



~ 16
2793
3



門 16
2793
卷 3

空同子集

卷之十一

北郡李夢陽撰 東莞鄧雲霄歛潘之恒蒐校

詩類三之三 五言古

衛上別王子二首 贈徐禎卿

贈王舍人昇二首 又贈王舍人四首

贈劉氏五首 贈徐陸二子

申州贈何子 寄康脩撰海二首

贈王生滇南 送姪木北上

送秦氏 送谷氏

別李氏二首 贈寧氏二首

昭和十九年
六月三日
購本

送閔氏

長歌行贈房氏二首

憶昔行別閔侃

贈沈氏二首

送蔡帥備真州三首

京師元夕有懷丘子兼憶舊遊而作

元夕友人見訪

月夜飲別徐氏

送鄭淳

贈李僉事衢

將赴江西寄別殷伊陽明府

鳶山訪汪氏因贈 冬日撫州贈友

右次贈寄四十三首

五言古三

贈寄

衛上別王子

晨風應候至鷄鳴各巖車我今游宋中子當旋舊閭
僕夫理前綏轅馬悲鳴趨一別阻秦周相望萬里餘
首春霜露重厚汝征衣襦昔爲同袍士今在天一隅
故者日以遠疇能察區區

其二

稅車朝歌里送子輝水陽群鴈起高飛凌風各分翔
敦交多故懷况乃憂故鄉征夫愁短日去馬知路長
童童孤生柏結根南山旁願言采此柏遺我心所當

良無白鵠翼何以得高顏

贈徐禎卿

獨處忽不懌攬衣循東廂樹木何脩脩春風起飄揚
我友駕在門告言適江湘倉皇挈玉壺追送臨河陽
顧瞻兩飛鳥並戲水中央翩翩厲羽翮鳴聲一何長
奈何游客子一別永相望時澤亮有周天命固其當
薄終義所劣別離庸詎傷懿彼回路贈慷慨申此章

贈王舍人昇

迅風激高雲朝日照嘉林良友忽遠適惻愴摧我心
川原望靡極江路浩且深殊域寡親戚孤子故難任

荼蓼積愈苦淚下不可禁

其二

攬淚瞻林木鞞鞞敷華葉層闈帶廣陌車馬暮相接
駢裾侈高會誰念獨守妾豈不思方舟川廣不可涉
葑菲遺下體舉世重紅頰勸子且寧志爲恩孰周浹

又贈王舍人

送美城東陌還車望上陽觀闕百餘尺蓉城鬱相望
同在天一隅子今旋舊疆經子故所居我馬立徬徨

其二

徬徨亦何爲悵望遠行客枯桑號天風時節倏復易

空齋集 卷十一
簪紱匪我榮棄置安所惜願爲東南風遂附高翔翮

其三

勁翮無群棲靈根豈叢蒨人生非苦匏安得常相見
動息各有因况乃異鄉縣徘徊岐路側仰視雲中鴈

其四

鴈征會來歸君行何日返驚風飄馳光歲月忽已晚
登山采白苓遺我心繾綣上言制頽齡下言助餐飯

贈劉氏

哲哲吳中娥奕奕宛清揚邂逅此堂隅瞻顧兩回翔
攘袖發皓齒列坐無高倡行雲爲徘徊順風託馨香

周席莫不歎側目生流光何意芳盛年峻義明秋霜
於禮誠銷薄銀漢徒相望

其二

矯矯雲中鵠忽忽晨南翔連翩客游子駕言逝何方
霜露日夜零東路悠且長意欲從子逝我馬玄以黃
徒思諒無益欲置難遽忘愛子千金軀雙親在高堂

其三

埋輪國東門駕舟越洪洋晨發天北隅日夕至建康
皇居槩太清陵樹何蒼蒼白馬服衡軛飄飄過路旁
敦交豈獨薄貧賤多顧藏所志在寧親榮耀乃其常

其四

青陽獻嘉歲玄鳥鳴我堂遠子念行役驅車發南疆
豈不誠辛苦王事切中腸駢駢泝原薄拊劔何慨慷
群形冒休澤朽榦揚朱芳君子法天造小人曷能臧

其五

回車太行谷結轡登羊腸羊腸何崔嵬俯視見大江
大江日東注游子悲故鄉故鄉復迢遞欲濟河無梁
晨起振我纓駕言行朔方丈夫貴榮名臨路徒離傷

贈徐陸二子

徐名縉字子容姑蘇人陸卽深也

清晨思行游駕車郭西門凝霜被野陸莽莽多荆榛
霖雨不歸川四顧無行人何意岐路側悵然獲所親
晤言不須更含意俱未申雲間富才傑具區產名珍
一為時所知光耀在青雲情交苟不劣窮顯非所論
感激平生義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧
何異同心子失散在中路別君倏五載我髮忽已素
今逢不須更趨駕一何遽臨分但踟躕道語不及故
山川何悠悠白日奄欲暮努力愛玉體慰我長思慕

寄康脩撰海

晨步城西岡遙望終南岑荆棘高蔽天白曜翳以陰
雞食鸞鳳饑蛾眉讒妒深葑菲遺下體一別成飛沉
出門眺四郊奔奔悲風吟海水有可測傷哉誰諒心

其二

少陰盛霜雪崎阻鴻鴈饑荷斧入林谷日暮誰共歸
林樹窈冥冥徑路多虎羆北斗橫塞岑郤野風振悲
欲往河無梁念子忽如迷榮耀在須臾亡沒誰復知
思附玄鶴翼從子以高飛

贈王生滇南

人生如枯蓬團團隨風轉朝猶同一隅夕暮異鄉縣
鳳皇擇林遊奮翼思高飛一飛萬餘里路澁常苦饑
岑巒造青天蹊磎何崒嵒食尋竹實餐棲必梧桐枝
德音倘不隳慰我心所期

送姪木北上

群鴉競時食孤鴻獨高翔丈夫四海心誰能安舊疆
仗劍辭所親策馬登前岡歲晏霜露繁原野何茫茫
草枯禽獸饑潢潦澹以長感吟悲蒹葭試鳴候朝陽
勗哉樹名勲念茲西頽光

送秦氏

秦名文字從
簡台州人

健足慕千里倦翮常卑安陶子重折腰貢生乃彈冠

黃龍日南游長江浩瀾瀾竹實匪不甘鳳孤誰爲歡
故廬倚青松懸嵯激鳴湍返真謝形役庶以成盤桓

送谷氏

零雨晨微微艾葉何旆旆端居輟中憂駕言送征邁
黃河流湯湯飛雲下燕代臨汀羅觴俎趣景徙傾蓋
轅馬望路鳴僕夫整衣帶孰非金章客子也獨所愛
行行樹聲猷及此明良會

別李氏

逸禽耻淹棲良駟競先步出門有行游諸所豈得顧
辭燕戀舊壘渚鴈企高鶩情離誠有猝心期固其素

匪無便僕子新人不逮故踟躕野飈夕分手卽前路

其二

前路乃何之迢迢夢雲澤霖雨暮戢戢囑子且停軌
隕籜委川徑潢潦浩以白熒熒雙龍劍佩服我所惜
水行蛇蟲匿陸邁虎兇辟願言奉心懽庶與備朝夕

贈甯氏

野菽萎平吟寒露一何早凝霜一以零蘭蕙亦衆草
美人中夜興憂心怒如擣玉石誠靡別妍華恃疇保
瑟瑟谷中松見者豈不寶良無匠氏顧歎息歲將老

其二

白日何冥冥送子黃河陽執手無一言仰見雙鴈翔
處卑心罔怡奮飛多中傷撫劍兩踟躕低頭涕沾裳
天運有銷盈志士懷剛腸去去愛景耀離別固其常
送閔氏

長歌行贈房氏

捷步競先鳴達人貴沈幾鴻鵠翅摩天於世常高飛
煌煌冠蓋朝踈也乃獨歸誰云傷秋子而爲鱸魚肥
彼哉粉榆儔豈知千仞輝

其二

瀾瀾夏川廣驚風夕揚波眷言送誠歸軒騎匝中阿
倦鳥故林趨獸離懷前窠君看纍纍實豈復華其柯
皓首聲利途攸見無乃頗

憶昔行別閻侃

憶昔少年時遨遊咸陽都邂逅塵埃裏相邀入酒壚
半酣擊劍起挾彈青門隅風蓬離本根奄忽浮雲徂
聚散良靡期晤言誰復圖濛濛零雨辰悠悠梁園途

空同集
翩翩白馬鳴藹藹朱華敷昔逢美姿顏今也白頭顱
中藏難遽宣相看但捋鬚前路浩崎嶇愛子衰暮軀

贈沈氏

辭馬鳴故群羈人戀心知身也匪木石孰無懷與思
藹藹軒蓋途才捷競先時冥冥歸林翮爰集非無枝
龍蛇悟易訓蟋蟀感唐詩情感辰靡延把袂竟河涯
贈子金錯刀申子古別離德愛誠匪他邁君豈無期

其二

旦日子當發淹留復今宵良乏美盤餐爲君品鳴簫
君如巖下松霜竇顏不消衆草苟移時化爲艾與蕭

聆曲復不憚睠焉傷迢遙攜手步前庭仰面看招搖
巢子潛箕陽四岳俞唐堯願言脩九苞曳佩鳴天朝
送蔡帥備真州

晨飈下嚴霜波水白浩浩鷄鳴人語動趨駕恨不早
出門望原野四顧但衰草芒碭一何寥驚鴈鳴寒寥
老驥志千里烈士輕遠道臨事毋謂難爲善豈在小

其二

颺舟逾長淮登陴望大江氣勢何鬱盤皇矣真我邦
宮殿槩高清鍾山變青蒼橫飈靜霜夕天塹如沸湯
時平智士拙貨賤良賈藏無言邊境動寧居亦慨慷

其三

隕霜凋楓林澤藪奔虞虞結徒策青驪行狩聊我娛
左發殪玄兕右指什文駮插羽坐草間飲酎炙鮮腴
川光夕明滅鴈鷺風叫呼立馬千仞岡仰送浮雲徂
彈劍問所私何如李金吾

京師元夕有懷丘子兼憶舊遊

名都鬱坱壘浮雲陰孤臺宿昔與丈人攬袂凌崔嵬
延眺殊未已明月從東來俯身覽九陌車馬何誼厖
朱門競笙竽鐘鼓趣行杯詎知前代人寒隧生青苔
金珠委瓦礫鉛華安在哉沉寘日云富感激令心哀
丈人方岳喬夙質謝塵埃婚嫁慕向子幽棲放顏坏
七十尚蛇螫白衣潛草萊嗟余糾簪紱俛仰阻沿洄
逝將親逸躅榮盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉
道者便靜性俗夫乏遠資林塘枉冠蓋繾綣非我期
金波低宛轉明星漸離離清光苟不虧永與浮雲辭
月夜飲別徐氏

仲月玄鳥集蚯蚓蟠于廬竭從徐氏飲置酒臨中除

明月一何光衆星爛高虛中有參與商相望惜不舒
人生雖有權詎得常相於夷猶廣庭內惻惻慘子祛
哲人重明德邁士懷離居離居諒復合行矣慎所須

贈鄭淳

路縣家室怨久別誰柰苦荏苒及春孟冰消舟莫阻
臨觴歎河邁指景赴前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃歎息誰爲音
竊祿匪我志隨風豈能任所以棄朱紱窮年卧空林
君子枉榮顧駟馬一何駸輕蓋蔭白日軒車匝庭陰

宴晤及春期列筵享同襟目快淑氣草耳聆悅時禽

肴至弗徒歸觴舉恨不深末路校通塞鑿止無飛沉

託意誠匪殊在遠固宜欽願言附松蘿子其斷堅金

將赴江西寄別殷伊陽明府

引年豈必老求志不在奇曰余逾壯齡遭斥還山棲

事與北門合跡擬東陵齊滅音謝人徒四暑忽逮茲

向平果遺榮謝安終狗時詎意值嘉運末照及葵藜

簡書下我廬急遽誰得辭迢迢江西帆別當首夏期

束裝逐流潮改服團炎颺情鬱爲念故寄重慚余卑

虞絃改自調孔鐸湮誰持江漢誠暫浮匪廬寧久羈

返貞意已堅抒懷告心知

鳶山訪汪氏因贈

昨余發弋邑急霰舞鳴湍灘高果莫泝改騎凌層山
山層水復曲歲晏嵐風寒捫蘿冒嶮艱踏水涉洄沿
日入達平夷倏覩君子關清溪交遠圳高松夾路間
遺榮靡所希時仕義乃詮未羨焚魚高頗欽竒字傳
矧伊連枝芬慰我同心蘭綢繆促宴竿曙猿響南巒

冬日撫州贈友

晨光鬱將布時嚴氣自慄陽也諒匪力厥陰無亦甚
時極理終固情成執難寢徒然江漢紀莫制北廳凜
寒湍落孔家霜色峻石廩甘菊冬始華赤樹紛如錦
校閱纔及旬勞拙遺安枕旣已阻攜玩胡由接芳裯
擬峴行共陟寄言備醇飲

壬寅季夏歸隆齋閱梓

空同子集

卷之十一

空同子集

卷之十二

北郡李夢陽撰 東莞鄧雲霄欵潘之恒蒐校

詩類三之四 五言古

贈四子

九子詠九首

贈姚員外二首

別諸生漢口

贈張含二首

送張含還金齒

酬提學陝西朱君以巡歷諸什見寄

襄陽篇奉寄同知李公

送裴生京師

內弟玉園庄歸

送張六還京口

右次贈答二十一首

自南康往廣信完卷述懷十首

廣獄成還南昌候了十首

右次紀懷二十首

內弟左國王挽歌 改營外舅大夫園域

熊御史卓墓感述 徐子墓

溫太真墓 澹臺滅明墓

孺子墓夏謁

右次悲悼七首

孔廟松 犬詩二首

詠信州茗和鄭子 詠鷺

白霧樹纍纍作花

右次詠物六首

五言古四

贈答

贈四子

緜緜遠道積冉冉歲華晏冰霜夕轉嚴星斗夜仍爛
蘭缸照寒戶旅士懷鄉縣方幸厠鱗詎謂各分散
岐路忽在茲山川復悠緬王子萬人特英論薄煙漢
康生千里足邁景速流電瑰瑋欽奉常秀明推中翰

空同集
冲標汎光蕙逸思凌玄鴈所嗟異根株逝矣悲霜霰
每言念睽晤佳期阻驩宴

九子詠九首

九子者皆天下賢豪人今乃合余於孟氏之堂
祖行也慕義傷離悵然有感於前遊作九子詠

劉戶部遠夫

大謨

遠夫振英駕乃自儀封里孟復旣鷹奮素衡亦颺起
獻賦擬揚雄彈鋏笑馮子時異各睽隔蓬轉自茲始

王戶部遠伯

經

矯矯王遠伯深心託玄素豈謂萬里空見此天馬步

獨行迂流議苦志涉煩務日余駕鈍姿倘辱導前路

王職方錦夫

尚綱

職方昔垂髫邂逅在梁汝遊關匪豹隱攀邵遂鸞翥
鴻詞振宛洛一一中音呂訪戴諒不惜縱鳧非所許

穆檢討伯潛

孔暉

清廟播芳歎朱鷺激潛調沉冥會詮理刻苦光逾耀
注易在今茲醴酒企餘照載吟古離詠蹇拙慚賡紹

馬給事中敬臣

卿

敬臣閨闈彥處世恒自拘朝謁金馬門暮向青瑣趨
朝隱慕方朔修辭劇相如太阿不在掌非君獨嗟吁

陶行人良伯

驥

陶子三泐英妙小富篇翰至響本無聲隱璞疇能辨
運甕不云苦澆酒聊自玩解龜幸心許傾蓋荷清讌

馬進士君卿

錄

君卿素所昧密意宛相向醉酒似馬周讀書薄劉向
時人固不識古志益骯髒試覩同遊子魄礪盡英行

戴進士仲鵬

冠

南州實才窟小戴亦橫鶩探錄乃叨竊對孔豈在屢
左右佩朱薺追趨信陽步傾城在夙昔贈我陸機賦

孟行人堅之

洋

孟生湖璉器英邁徵古篇登泰夙所期望洋豈徒然
欽趨矐顏後抗志恥盧先吾方把任釣倘借襄陽鱗

贈姚員外

高鳥厭羣飛孤雲恒自輝綢繆誠靡乖何必久要期
傾蓋有芳訊白首則見疑蘄蘄龍沙濱風波暫徘徊

其二

零濛不澤物衝風夕曾波送歸念維楫眇言望江河
鴻逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變日暮六日達漢湄

人心重攸愛酬德視其施伊茲匪不幸所急非睽離
晨颺望我帆夕也宿共涯浮月每皓皓逆雲遞透迤
情淵分有窮愴子當分乖昔爲同池萍今向東西開
大別峙嵬嵬林蟬暮可哀俛首前逝波倚艫各徘徊

贈張舍

已嚴蓬池駕遽返夷門歇商風動榮草簷雨鳴不絕
客病良易積况值變華節悠悠城西館修爾雙經月
昔至體流汗莎雞傍戶聒子也苟寧志川廣豈難越

其二

流光逝忽忽天地一何軋六月子來至月也今已八

客子悲遠道時氣侵肅殺豈不念爾單室邇泥路滑
三日兩賡歌一日一通札寂軒倚衰柳奈此夕鳴蜩
父母不下堂歸軫何時轄

送張舍還金齒

百憂強自排感之輒復積亦知別心苦所奈懽愛客
迢迢西南夷歎子此行役出雲懷舊山倦鳥厲歸翮
時情苟靡遭勉合亮奚益還道尚云遠去去加飡食
酬提學陝西朱君以巡歷諸什見寄

煌煌百二宅懷里念前都孰無雍門哀恨役久長途
登賦時有望所苦言辭羸自蒙新什惠披玩忘晨晡

空同集
疏越發潛響爛若湍錦舒慙亦作者來欲畫安我愚
瀏瀏回中吟宛遊秦隴隅清渭韻泱泱南山筆巍如
誰云篇目寡已包千里餘讀既搖我心倘附西飛鳧
襄陽篇奉寄同知李公

晨登大梁城南望襄陽郭漢流趨何急樊山氣參錯
樹高風來集道大惟淹泊投沙理雖迫召賈恩非薄
幸且便山郡聊遊謝羈縛仰攀躡孤岫俯眺聆大壑
寒江歛夕霽遠巖映林薄習池宴山簡英寮敞翠幙
偶同攜葛強飛翰凌觴酌歸聞銅鞮唱行和峴山作
覽跡驗物理觸歎徒今昨沉憂亮無益流坎任所託

送裴生京師

大江積風雨驕陰久我仇懷役念戈爰潢潦憂中疇
戚戚感物慮况子行遠遊鬱哉朝宗心殷勤眺風洲

內弟玉園莊歸

逾年始及村日入復言歸言歸亦何爲景異情難持
沙禽噉噉鳴園林收暮霏暮霏轉急湍春草碧漫漫
我行已逾堤我心念猶攢志徃物不隔室遠詎無端
誠乏靜者慮郊野豈徒安

送張六還京口

雲黃風色歇送子逾脩畛野風吹江樹波水清且緊

歸舟本自驚况值順流穩金山會當聚別暫情可忍

紀懷

自南康往廣信完卷述懷十首

越旬不出門所值疑初靚長湖迄華岳融景遞澄秀
鼓泄幸行邁覽物每欣邁飄飄順帆風透遲歛雲晝
鳴鶴矯豐田文魚駛閑溜有生孰靡適時及異榮疚
彼哉吾豈仇乘運視所受履茲良已快迺餘足云究

其二

迅風會高雲逝逝曷能已朝聳冠劔馳夕暮遭壘繫
榮辱邈何因嘒嘒昧成理湖程莽復闊難溜于春駛

肅肅東鷺帆晨夜不得止仰睇啼柯猿俛傷躍清鯉
一言季布召斥以一言毀從古誰靡然寄語求全子

其三

金閣簡英儒玉書託紀綱絲言一何諄黜佞掄圭璋
澄清有夙愮攬轡誠慨慷幸茲歷三始矢志千載芳
風波駭非意多口亂否臧九閭眇以玄欲扣六融傷
所司專愛憎威刑喪厥常彼方聳輕蓋寧知嗟道傍

其四

淵雲諒殊性予豈經世儔馳驅二十祀學宦寡諧謀
昔斥還三河誓言永林丘靡堅今咎誰畜志竟莫酬

在難歸貽阻眇焉痲前修陟崇望波嶺翔雲駭西流
春羽振桑榆念之心形仇東徂歎伊始懷哉俾無尤

其五

朝離傍羅浦東至龍潭宿戢柵候明發獨寤守空曲
宵晝有常理欲往不獲速多慮良攪眠強置復攢觸
起立萬動寂湍響應鳴谷驚風臨岍激高月散春木
絮雲吐岑岫玉繩低以屬慨哉復奚道徘徊至天旭

其六

一氣噫太虛吹萬良不同伊余就幽役春序奄巳中
芳辰下霜雹寒暄乖故風北柯沮靡榮尚林曷由豐

臨門翳孤松悠悠慨初終張儀相六廷虞氏哭途窮
首陽乏長薇洛都鞍馬雄天定俟何時詠言摧深衷

其七

雲和易成霖羲陽一何冥淹哉沮洳區佳日閉我扃
覆瓦僅蔽牀頽壁支數櫺淒飈驚中帷電霰時復零
天道有常乖萬殊誰竟寧子期久已徂縱隙孰爲聽
當道有豺狼瑣言訾螟蛉習坎固終利從茲倣無形

其八

靜居百慮屏孤樹迺墻隅奄茲華葉更搔首睎淹如
時雲布靈谷天令震高衢霖潦灌百川萬壑寡安魚

東京構黨禍郭子逝于于伊匪三顧勤孰岨南陽廬
涼燠非力排裘葛從所須龍蛇翳厥身孔贊寧我諛

其九

赦者小人幸臣誠小人儕匪圖軒蓋榮山海有奇懷
禮法無復拘評者靡我排思夙慕華貴振鞅登要達
烜赫豈不快寤寐憂所乖識幾既不早今戀非鄙哉
乘桴越洋濤采蘭及春滋于焉可佳客龐叟心所期

其十

一夕復一辰倏忽春務易雲葉布豐林蚯蚓盤我壁
田竇仇片言厥怒一何赫笑謔有白刃千載乃露跡

倦茲掩陳記出戶睇高翮積譴聆民謠欲采不可譯
英驂振飛鞞出入勢輝奕哀哉彼何子躊躇祗沾臆

廣獄成還南昌候了十首

一淹經六旬揚舲復焉極脫然雖靡由事事嘉可卽
依依春功奏朗朗維夏逼故茲波與嶺觸目異前昔
逸雲散歸雨川水浩崩溢挂帆趁風溜覽岍湊悲懔
昨猶置中兔今爲頑林翼邈言念先古展矣我心獲

其二

直木防見伐茲言豈我欺若華耀四海孤邈疇見知
莊鷗運池溟舉翼九天垂風積苟不厚中路將安期

歎息竟何語俛視川波馳溢霖驚洪濤千載固厥時
燕石一何珍有驥不自持野飈激靈襟逝言惋長岐

其三

時至鮮枯林朱蘭被長坂臨嶠覲賢跡停楫暫遊行
靈雨吐葛花柏葉已復展佳哉溪上邑流峙巨而緬
岑岑徐巖秀飛泉洒丹巘巖亭交景風裾帶時自卷
居高乃慮孤涉歷悟攸遣枚枚三陸宮千秋竟茲顯

其四

餘干濱巨湖厥土曠以浮津驛暮何囂壁之泊南丘
遺子省其母析權詣江州明星波洄洄欲發仍復留

有端肇絲微涓涓遂成流拊心實罔慚患來誰誠謀
紛綸及今茲事已遙尚憂志士常苦貧飢渴無我尤

其五

昔遊東山日覽古肇新宮徐令實經營絃誦溢其中
閱茲奄三年離滯心莫同我舟非不維奈此西逝風
乃子胡德余于邁遠從公朝旦發龍津暮棲依瑞洪
湖山沒如拳波途浩難窮佇瞻有深懷貽謠勒堅崇

其六

夕棲瑞洪渚遙覽渚北山相傳洪崖子乘雲自此間
履跡今尚存其人邈莫攀粵余登征途頻年涉間關

毀譽一嬰心寤言多所歎於茲誠踟躕振衣躡前巒
泮水莽浩浩驚風蕩回川欲濟惜無梁飈輪儻中還

其七

登艫修五日覽接漸增闊洶洶北注川瀏瀏得縱壑
劇哉風水慮履順故靡豁高鳥厭塵集智士貴處末
交甫懷漢濱婉變情遽奪結駟匪不侈險至誰竟遏
沉身厥亦罕萬世惜不脫遙遙哀雲岑瑤草爛孰掇

其八

明晦每無常人道豈不然歸雲徂靡餘日華耀清漣
戚愉繫爲誰喟然想千年姑蘇寵宰語越孤辭會山
梅將輔番君范子逝不還乖歲君子貧枉尋於大賢
時霖潤萬物猶蕙乃同妍東門可棲遲歸歟聿奚言

其九

陽鳥逝無餘覲者鶯與鳧青青澤澈毛刈之糞誰畚
經過問當年云茲夙屬吳歸命喪厥儀長雲奄西徂
撫牀竟空言金陵乃以都桓侯威八州溫氏闡雄圖
聆言愴我衷徬徨感終初混一今其時舟騁非爾虞

其十

仲冬別豫章涉夏茲復臨涼燠殊厥時能不摧我襟
樓觀蔽泰清衆木凄以陰倚橈陟龍沙優游眺洪深

魚鼈潰驚流瀾駭遂至今中有夙縱鳧振翼回哀吟
波阻杳莫卽馳景忽西沉抗手自茲辭萬世懷飄音

悲悼

內弟左國玉挽歌

滔滔水東逝靡靡日西馳日馳雖更晨水逝無還期
清醕滿華尊鳴琴在旁茲門堂不改故若人竟何之
天枉獨兼今疑澄究若斯二紀罔自保千秋寧詎知
情慟道與結感往志彌悲皇皇徂暑月捐我就郊岐
故築卽新墳廣路席前基狐兔夕向啼芳麻延碧滋
解鉢心已許回轅痛豈欺永測游竄理徒此眩盈虧

改營外舅大夫園域

貴賤無二死賢愚同一丘明公昔謝世跡駭理夷猶
夷猶及茲年墓木拱已稠志決物可贊運旋情更酬
悽悽臨壙穴崩迫覽陰幽昔爲美丈夫今與腐者儔
枯骨蔓草纏劔珮攢蚍蜉痛沉祗愈迷神明竟何遊
名崇壽罔積露隕蕙先秋芳塵滿華屋故馬咆行輶
改園僅逾阡穿地卽我謀方期枌檟成庶紆生者憂
爲惟國士遇因慟遂成謳

熊御史卓墓感述

幽幽山下江峩峩山上松纍纍松下墓瑟瑟松上風

空同集
三
慨昔與君遊並遊京華中
我冠省臺內鳴鑿趨步同
中更歎莫借永逝當何逢
絕絃已易慘挂劍今誰從
駕舟亂回洋展墓臨高崇
浮雲駭南流顧望摧我衷
德音既長已情感胡由通
祗餘泣麟意悲歌傷命窮

徐子墓

晨興駕我車行行造古墓
墓門一何寥踟躕久延顧
陌阡脩且直青松夾中路
借言葬者誰漢時徐孺子
麟出諒不偶龍潛竟何以
我我東都會藹藹青雲士
一鳴爭及時邁跡歆先軌
冠蓋紛若雲車馬闐京里
鳴玉氣自振排闥情難已
鴻鐘有競勲大策無停紀
斯人獨岑寂哀歎勞心理

溫太真墓

雙鷲識妖端一馬前休兆
中原既板蕩臣主同奔峭
長蛇恣吞噬白日掩孤曜
心違祖述揖事躡扶風嘯
康屯見斯人辱已存機要
建侯竟誰功江介無飛旄
勲成身乃殂天逝徒心悼
側惟盈縮理虛咎燃犀照
遺墳闕清千古樹寒新廟
來阡莽迴鬱弭節紛延眺
載瞻徐墓邇益壯風流紹

澹臺滅明墓

子游昔宰邑邑有澹臺公
非公不見宰不徑垂無窮

身歿埋豫章豫章乃城中長松何寥寥石墓堅且崇
崩館晝常陰古樹多悲風丸丸擁基藤垂垂網戶虫
喧寂本異感慨惋當何同道伸固難滅瞻睇搖晴虹

孺子墓夏謁

懷賢意實勤展謁良已屢羊茸蔓草盛間關夏禽哺
野歛延竹戶丹華綴高樹徘徊想故榻流連果誰遇
詠物

孔廟松

夫子廟前松童童一青蓋盤擎若蒼龍借問自何代
靈籟度笙竽古色積烟黛森然森翠中鬱彼風雲會

絕勝講壇杏應並闕里檜

犬詩

警夜力不贍逐兎非所任吠花春院閉戲草日移陰
家貧稱戀主時乖堅始心

其二

吠龙聞昔詠走盧欽故名遊園方載檢重鉅寧自行
發踪難可遇露草空含情

詠信州茗和鄭子

厥草有佳種靈味固無匹豐內謝華榦卑叢類謙抑
陽和散林彩脩脩吐英特濯影金屑泉敷芬玉巖側

完馨重伊始溥露浥其色采掇屈柔腕製之成我德
三緘附貢品遂辱君子食入鼎沸銀浪隨風可傾國
滌煩古有經通仙詎堪惑

詠鷺

天風下厲霜海色清嚴冬朱鳥逝云遠玄禽眇焉踪
翩翩委波羽鳴飛何雍雍去若雪毳散來疑玉梭從
回旋淥蒲漪映照青蓮峯戲滓不染潔浴湜轉丰茸
羣起若避驚孤立如有慵孔言崇九思周歌羨斯容
我客亮多懌君子良冲融亦應懼鳧鴈幸少寬鰓鱗
保爾貞素姿倘附春濤龍

白霧樹壘壘作花

不作江南客空登河上臺夢中到孤山笛裏落寒梅
今朝走白霧萬枝參差開紫宮散花女騎龍下瑤陔
惚惚弄珠人玉塵生羅襪歲徂復飈杳光采半明滅
朝陽勿遽晞留之慰超忽

入過

賦詠

今憶去日雲霓萬
 不計五南客空登
 山深樹遠鳥鳴
 今憶去日雲霓萬
 不計五南客空登
 山深樹遠鳥鳴

空同子集

卷之十三

北郡李夢陽撰 東莞鄧雲霄欵潘之恒蒐校

詩類三之五 五言古

渡漢五首

余懷百門山水尚矣頗有移家之志方春氣熙
忻焉獨往迷情遣抱四詠遂成示同好數子

自大過渡河趨陂沙岡

陽武詠懷陳平張蒼遂及博浪之事

覽遊百泉乃遂登麓眺望二首

登太梁故城

德安趨潯陽

宿圓通寺

釣臺亭成

卧龍潭

始至白鹿洞

白鹿洞徧覽名跡

涉嶠

廬山秋夕

落星石

泛左蠡

騎登謝址復舟觀於石壁

南巖寺

赴懷玉山作

至懷玉山會起書院

薛家樓宴

曲江亭閣

在豐城縣

發豐城屬江漲風便

武陽抵進賢

至後上方寺酒集

上巳海印寺二首

秋日重過上方寺

春遊篇二首

春日洪法寺後岡

右次游覽三十九首

五言古五

游覽

渡漢

好游良有殫今朝竟言歸海濶舟下濤亂之將疇依
異途各爲趨同木相隨飛遁觀千仞禽誰復瞻其輝

其二

萬事雖貴豫數極誰竟猷竭來彈我劔且復三河游
迤東望濠梁慨言懷莊周黃鳥孰興篇枌榆迺見尤

其三

於心懷佳山背之每自顧相逢鮮久要那得不念故
塞翁罔憂馬馬歸人始悟遊女非召南千年沒貞素

其四

霖雨濡我軌寒潦何滔滔墳畝峻徒悲漢流怒洪濤
思美歎晨夕欲濟難容舫限隔豈固迹踟躕爲誰忉

其五

閑登古樊城回望峴首山鷄雀躍寒蓬疇念朱岑翰

小人競錐刀羊子廼探環智愚固生性融晦靡我歡

余懷百門山水尚矣頗有移家之志交春氣

熙忻焉獨往迷情遣祀四詠遂成示同好

數子

魯連蹈東海介子逃西山方舟信超越巖徑安可攀
揚烈猶靡懲置金徒嗟歎伊余秉拙訥薄遊及茲年
急湍有奔桴迫路無停轅慘慘滄流月悽悽沙塞煙
徒欽靜者意未遂同袍言偶耕慕龐公巖棲景焦先
捫衷諒有持顧已竟誰諉復來感方寂解作憂更牽
抑心二十載始別金門還積疴謝人徒頗與踈遯便

卷之三
空齋集
眷茲丘園榮豈羨長苗篇

其二

浮海傷固窮逾河歎誠邁濯纓萬里流高視九州外
功成奔運徂氣至流飈代淒淒秋柯零冉冉春條媚
周覽倦河壖孤踪冀巖瀨道以沉寂超賞與崇深會
豈惟超速情亦因謝塵籟聿想山中人風吹女蘿帶
折麻凌險岬采秀越森蒼眷彌志終申獨往竟誰礙
亭亭太行峯巋巋百門對抗手別故懽乘雲弄煙溼

其三

閱圖訪名竒久欽蘇門山危峯羅縣牖積石噴鳴泉
情吟激衛女嘉遯招古賢出遊結夢想神往理誰詮
連巖旣鬱紆迴渚復縣芊猿吟曙霏豁鴈泊暝陰還
杖策躡丰茸解裾濯潺湲仰視遊雲翮俯察戲藻鮮
覽物慨幽存撫化懷冥筮况逢春華交更此眺孤烟
畢婚非達生一嘯復何言

其四

山客戒明發朋故來攀留巖潭窈叵測險徑增離憂
日余負幽僻誦古歆遠遊陟懷康樂屐浮羨鳴夷舟
探討傾子長浪迹多阮戾若人不可作瑤草竟何酬
事往悲易深情存道難侔以此激孤詠喟焉睠滄洲

安波有覆艦坦路無全軌危虞豈在巖薄劣終見尤
願附綠蘿緣永與棲者儔

自大過渡河趨陂沙岡

凌春遠行邁游目恣泐越漸辨林中曙遽失霞上月
觸物誰爲情悲歎曷可歇載登隋疆場况眺宋城闕
陽坡散初柳陰曲峙寒雪只此判氣候豈必殊燕粵
潏潏濁河駛戛戛晨風發揚帆截驚瀨倚棹望窮髮
鳧鴈眇難卽汀蘭翠堪結美人旣莫期天路復幽絕
陂岡鬱參錯岸沙皓明滅日暮孤雲興何以慰悵悵

陽武詠懷陳平張蒼遂及博浪之事

玉璽戒不力金鏡淪無光大人旣龍興烈夫亦鷹揚
伊人各乘時矯若孤雲翔韓椎豈在屢秦氣日以喪
六奇佐揮戈五運開靈昌時來屠沽奮跡徃英雄傷
平生冀風期况乃逾故疆灑淚越修垆含凄遡河梁
古墳密嶢嶢春沙鬱茫茫徒瞻松柏路詎申椒蕙芳
遺榮竟何尤任智終自戕羨彼赤松遊援筆卽此章

覽遊百泉乃遂登麓眺望二首

束髮懷幽奇覽籍冀有遇來登百門泉果協佳勝趣
怱怱圓波踊藹藹浮陽聚止坎渟泓冽激石迅湍注
昔聞滄浪濯今解川上喻豈惟傷衛歌兼以發蒙慮

况值春序中羣物已改故菰蒲冒清深鱗介各有慕
行羨浴渚鳧靜對栖雲鷺巖霏空潭影林藹變朝暮
極目北上帆朝宗感游寓

其二

發鞍憇林木杖策陟陁峴巖連嶺參錯洲曲岍迴轉
白日麗蘭薄原綠靜如洗嘯臺旣清峻行窩更幽緬
慨念昔時人瞻望淚已泫薜荔夕摇曳蘿徑復誰踐
碑板半磨滅石門積苔蘚代異道豈隔事邁迹空顯
獨采石門秀眷此何由展逝鵠無卑音潛虬厭汗淺
曠哉古今意難與世人辯

登大梁故城

登高與處卑由來慮多端登高尚寡悰處卑爲能懼
以茲歷荆榛褰衣躡巘岵土壕帶陰風樓櫓危急湍
巖岸苦崩奔葭葦何漫漫周望鮮故物俯察多憂歎
潛魚茸其鱗驚鳥無停翰雲浮誠不任淵沉諒何難
終附巖穴棲斯地非我安

德安趨潯陽

始征晨風息雲流日色展登陸艱且澁厲澗一何緬
維時仲秋交颼颼林颼卷綠竹垂我車丹花映行幃
冒巒雜有松繡石盡成蘚攀牽雖多悅巨頓乃勞倦

日中迫廬嶽蹊徑愈回蹇雲湧連遙嶢雨暗失近巘
奔崩萬壑會險絕一徑轉遽訝川梁沒幸遇石瀨淺
道以習坎利用待既濟顯介石諒益固巨川豈遂眩
誰哉能豫謀隨寓斯可遣

宿圓通寺

曉發蒲亭邑暮投石耳峯僕夫困霑濡山雨猶響松
茲壑况深一顧望惟溟濛幽巖託層房豁然臨猴江
竹修苞北基巖峭垂南牕俯觀裊戶蘿仰聆走簷淙
挹此暫足遣遐想情難降陶公有遺墳黃子留孤踪
通止良因殊羈縛誰爲棕坐聞吟猿暝祗令歸思忡

釣臺亭成

颯颯風礪瀉纍纍山石峻上構倚岑削簷楹闕奔迅
俯之纔一壑仰面已千仞訝游竟日夕載色掖英俊
故杉改新蔭魴鯉况充牣本輕任公釣詎慕庖丁办
素飈裊延蔓商氣斂芳潤臨深悟邃奧覩逝識大順
却笑矜名子羨魚一何吝

卧龍潭

出遊青天礪遂至卧龍潭重岑上無極白日蔽寒嵐
巉峭詎能步嶮絕誰可探歷石誠巍倨捫壑驚訝豁
我行值秋季霜藟搖匡南午攀日忽夕足倦情逾酣

雷瀑響巖澗孤花媚澄涵撫似悟命意循跡想名庵
庵廢人踪絕巖剝文半滅世異坦道塞慨茲忍能說

始至白鹿洞

曠哉超世志緬邈平生思鬱壹眷名跡久注匡山陞
南涉枉嘉命果諧夙所期仲秋巖壑清宮館復在茲
白石激寒湍巖蘿裊空基黯傷逝者往密慚來者追
性同道豈隔途異理空悲興言懷昔賢日竟眺前歧
榛荒徒鬱紆林崦一何采感情匪哀歎聊詠昭言垂

白鹿洞徧覽名跡

情高忽凌厲步健輕嶢緬葛弱亦須捫崖滑每獨踐
涉清愛重屢探阻遺驚眩始茲陟五峯遂憩松下巘
巖桂紛始華石耳翠可卷追想白鹿跡伊人竟何遣
觸端緒自縈薜荔况在眼慨歎意莫置顧望日已晚
夕湖浴岑峭流光滅蘭坂命酒寫幽獨鳴琴且游衍

陟嶠

伊昔謝銜歸志頗諧綸鈞甘追河上跡切慕蓬池嘯
孰知紫芝慮竟荷青雲耀值秋歷江郡弭節登廬嶠
沉深九疊秀峻極千峯峭錦繡亂岑嶸晨夕改觀眺
晶晶游氣歛皜皜寒日耀飛瀑信雷邁奔峽還龍躍
耽遊遽忘歸久住輕時誚天池絕亦捫石鏡板可照

矧茲二三子芬馥含清妙霜風澄西夕從歌做希調

廬山秋夕

山壑寒氣早日夕風色緊火流桂將歇霜至蕙草隕
蟋蟀集澗館禾委被疆畛感物憂自攢排遣情詎忍
年徂身與衰時棄世所哂躊躇夜不寐起坐萬念軫
崖傾月西流嶂曙松猶隱噉噉露猿啼行行采方菌

落星石

千江勢欲倒蠡門支孤嶼輝輝雲崖映洶洶湍瀨挂
霜水落丈餘石角露齟齬探奇犯嶽涉停旄挈賢侶
褰裳入松寺倚竹望風渚崩奔亂帆下蔽曳波鳥舉

秋空澹明澄浮山互吞吐靈根合道蘊曠蕩豁褊阻
貞靡亞砥柱險可並灑瀕不聞永嘉勝祗因謝公許

泛左蠡

辭山意不悅水泛暫可樂微風逗帆席目鏡展光耀
揚歌蕩溟昧鼓柁極窈窕指顧異晨暮俯仰改觀眺
出沒湖中山明滅海上嶠素輕左蠡險今覲石壁峭
謝屐久已蕪陶磯寂誰釣解吟松門詠令人發悲嘯
騎登謝址復舟觀於石壁

奮鵠有奇翰古鐸無追響游雲跡易滅鳴世情難想
昔吟瞻眺詠今覲湖中賞松門旣岑峙川水深以廣

空同集
昏旦候自變伊人竟焉往巖剝徒空嵌堂基鞠爲莽
扉徑不可識悲愉異今曩石壁屹寒岸葛崖嘯翹翹
攬馭意已極登舟抵彌惘抱茲久延佇遵渚路回枉

南巖寺

巖高屯屋巨谷邃至跡罕仰之訝天缺登頓徒雲滿
木零鶻巢露松冷猿嘯緩一滴聆不厭五級曩可踐

赴懷玉山作

始臨清溪寺不謂茲路艱崎嶇踰南嶺轉見山鬱盤
重陰起北谷凍雨響前巒志定邁孰禦勇往竟孤攀
挽葛接懸紈架木凌飛湍律律巖壑變颯颯嵐風寒

隔港望絕岫亭亭已雲端

至懷玉山會起書院

冒險登雲峰雲湧風不卷淒淒松霰響濡濡竹露泫
沾塗意已困覩構色頗展故堂改頽制新築負幽巘
伐材但旁谷礮石况非遠清渠激修溜巔畝曠以衍
偶至若期遇天定固良鮮仰止古有訓靜成力可挽
祗虞遊業子捷徑爲世堯

薛家樓宴

閑遊北城隅俯視清江郭洪川帶名都形勢自相錯
樓觀藹鬱鬱街巷紛以漠北城良已高况陟城上閣

輕裳拂倒景飛檻聆天樂夕山一何蒼夏潦彌井絡
衝風激回流玄雲駭難泊暗觀逝者危遂悟居者樂
慷慨亮易感捫心果誰惡夷險非我為彈劔且盪酌

曲江亭閣

在豐城縣

纜舟金華潭遂陟岡上閣蹊徑阻紆鬱巖水光參錯
夏林一何清餘雨浙未落高覽景自異况值晚霽廓
夕日明錦湍歸雲擁華薄近山聿蒼翠遠嶺復岑嶸
曠蕩感遇寓俛仰歎今昨不見往者悲祗覲來者樂
顧瞻大江流愈恨代謝速源湧竟誰禦謙守諒能曲
所貴遺榮名覩義願有最

發豐城屬江漲風便

午晴發豐邑挂席遡修瀨潮起果諧志風助利擊汰
棹歌落日上滿目波嶠外巨川信易涉貞固乃宜戒

武陽抵進賢

大宇流玄化生情互陰朗積霖夜猶注寒陽朝遽上
肅肅晦色斂晶晶川水廣楓林一何赤沙嶼鴻競往
涉河歷紆鬱登嶺暫停鞅撫江信縈帶鍾陵氣弘敞
荆俗雜澆厚徵賦則邦壤佩刀豈民性剪戮歎幽枉
至後上方寺酒集

久陰晦昏氛我行值嘉明白日展冬耀雪霽松林清

空同集
景異賞貴延朋集杯難停入筵午未端歸騎夕已冥
衝風振巖廊鈴索抗高鳴塔虛響先奔珠圓光易傾
超物慮可澹遺榮累果輕久枉証詮理一悟得所徵
上巳海印寺二首
勞生苦役役况乃值温陽林園有嘉榮蹊渚生柔芳
秉簡迹已陳袂袂難獨忘駕言適蓮宇迂紆陟虹梁
峩宮延暮色陂樹藹青蒼詎知幽勝區占茲佳麗鄉
居然心境寂彌增塵路傷

其二

眺遠及麗辰登危開我襟秉炬躡佛樹杳杳夕光侵
芳湖通澄鮮幽隍覆層陰畢景沒長甸輕霏變春岑
仰矚雙龍闕却瞻上苑林歸翼矯以翔鴻鴈多哀音
蒼蔚桃李塲孰分松柏森

秋日重過上方寺

居閑懷行游觸景慨時速昨來春華敷秋草倏已綠
弱蘋布霜漣叢蘭委寒陸纍果媚西陽漂籜滿空曲
物遇信縣曠情移乃躑躅夷猶步前庭迤邐陟曾麓
夕風一何厲行雲結相逐鐸音抗高聽塔影駭流矚
聿非封侯骨虛疑燕頷肉飛纓靡不榮芒屨諒應足
寄謝世上人吾久脫羈束

春遊篇

東氣散廣陌北杓指青陬美人惜春陽鳴鑣事遨遊
遨遊覽萬物紆遲駐道周京邑藹九衢合沓喧輪騶
黃鳥集于林碧草生御溝御溝多垂楊芳樹夾朱樓
早崇冒休澤鬱哉帝王州

其二

朝遊東市陌暮出北城衢夕林何歎岑華月耀西隅
宵征沂皇垣迴策遵玄湖春水日以薄鳧鴈聚喧呼
逶迤浦淑貫金利據中區前有三石梁宛若垂虹紆
却顧雲中觀翳翳蔽松楸

春日洪法寺後岡

暄陽入廣墟平阡曖煙蕪稅鞅尋高禪涉丘眺神都
白日麗中衢青霏藹林咀碧草一何萋叢葩亦已敷
纍纍誰氏墳峭崿三浮圖鑿石錮九泉雄構耀城隅
輿臺盜綺衣苔蘚封丹樞矯首視天宇剡剡浮雲徂
崇名古所欽多藏祗區區

壬寅秋休寧吳文策長洲蔣鎮參校

空同子集

卷之十三 終

空同子集

卷之十四

北郡李夢陽撰 東莞鄧雲霄歙潘之恒蒐校

詩類三之六 五言古

雜詩六首

雜詩三十二首

雜詩三首

右次雜詩四十一首

詠古鏡篇

鷄鳴篇

潛龍篇

孔翠篇

有鳥二首

右次雜詠六首

五言古二

雜詩

雜詩六首

燁燁雲中電流光西北馳僕夫夙嚴駕吾欲遠游之
出門履微霜四顧何茫茫豺狼當路遶鴟鴞薄雲翔
改轍理方舟欲逝川無梁俛仰歲將宴愴惻涕沾裳

其二

西國有佳人獨立青雲端容豔若桃李左右佩芳蘭
含思理玉琴泠泠一何閒更節有餘悲曲終再三歎
信問歎者誰中意難自宣沉吟攬衣帶仰視鳴鶴翻

思阻望不申何況隔丘山

其三

枕椳蝕以傾梁棟誠獨難流言播四國周公可疑患
涼飈激顏景奄忽不可攀衆羽日續紘朱鳥戢其翰
殺身苟無益去去從所安傷哉式微詩千載起余歎

其四

明月照我懷耿耿殊未已霜雪委如山悲風中夜起
攬衣仰天歎涕隕不可止卞生抱荆玉捐軀剖終始
青蠅倏來集白黑反在此城闕屹九重浮雲日千里
我欲竟此曲此曲悲且苦

其五

淒霜變爲電二氣斂而藏天道有代謝人謀豈恒臧
北杓酌元化亭亭自低昂上帝棲紫宮衆緯錯以行
謂山蓋高有梯可陟謂淵蓋深有舟可涉自非雙黃
鵠天路安可躡

其六

茅以韌爲席柏以勁爲薪君子憂治世愚者幸不辰
張置以待兔雉也蓄其身物理雖云殊罹脫各有因
浮沙卷奔藿朔吹揚驚塵日暮臨大道悵望曷能陳

雜詩三十二首

英雄樹大業奮志常慨慷捐身赴國仇效命爭戰場
明甲耀皎日挽弩千石強矢石下如蝟殺聲如沸湯
被刺目不逃陷危氣益昂雄名輝冊符生死固其常

其二

大司肅制度鴻儒振英儀生殺原異門爲猷視厥施
我冠巍堂上巧笑美容姿狐心生暗鬼耳聞佯不知
膏梁媚妻妾無賴充王師白刃起如林狗馬用羈縻
榮達信有命歎息將奚爲

其三

共工觸山折夸父去無還媧氏懷憂傷鍊石思造天

妖姬鼓哀瑟嬉戲玉臺間草昧怨無侯哲者中自煎
小鳥填巨海蘆灰過洪川力誠有不及心情長可憐

其四

昔余曳鳴珮謁帝扣天閭聖人垂袞衣賡歌庶事康
鼎成不我顧奄忽驅龍翔生死變化理反覆開存亾
榮華有銷落連茹切微霜晨朝在須臾返車棲扶桑

其五

命駕將何之意欲快我心蠻方亂如麻匈奴寇榆林
揮劔誓俱亾彼軍忽如沉豈爲尺寸勲國仇怒至今
崑崙貢織皮鴟鴞懷好音功高固不賞讒妒來相尋
哀哉險側子傾詞誰見欽

其六

大道竟焉陳末運忤相欺讒疑進貝錦交亂令心悲
鴟鴞翔茂林烏鵲遊下枝人情有偏好觸意生乖離
長門緒清吟魚肉怨新詩玉分石見仇咄嗟當語誰

其七

遨遊寫憤懣駕言凌洪濤洪濤非我遊改馬登山椒
朔風一來至林谷何蕭蕭鬼怪時以興雲逝誰能招
禽鳥相聚鳴原獸復晨號置此勿徒苦乘雲可宏翱

其八

有行東園椒結實何纍纍條遠敷不易斧者見行摧
燕雀本小鳥志欲翀天飛哀哉不自諒失路將安歸

其九

悲風厲歲晏宵旦未云已寒冬雨雪至江漢驕南紀
臨堂翳孤松杳杳歎成理涼潦不溢澤時鴈鳴高起
一飛摩青天倏忽乃萬里訊言蓬蒿士杳杳竟何以

其十

晨出進賢門南向望東鄉清川激崇岑彌野何茫茫
白骨皜四隅羣鳥噪枯桑闔門已殺戮鴟鴞復來翔
日昃時易冥漏網頓天綱思此愁我心還車眺河梁

玄鶴斬高鳴於世常激昂一逝聲影滅誰哉見孤顏

其十一

登山望四海日夕忽至沉俯身眺城郭痲然沾我襟
交路夾芳蘭逝駟何駸駸朱樹藹閒榭奇巧媚荒淫
北里進異舞高唐呈妙音織羅振芬芳朝雲遙嘉吟
不見秋至草零落愁春心

其十二

兀然坐空堂戚戚恒竊悲曠世懷一鳴燕雀翻見欺
惡名收范公文致詆朱熹身親罔自明萬世余焉知
霜露隕華草顛顛今其時百年俟論定特此良可嗤

其十三

倚閭遲佳人日莫期不來拂衣舍之去去上延秋臺
旗旌蔽原坂鼓角鳴且哀黃鵠翔不下腐鼠鳴見猜
壯士憤國難撫劍但徘徊白日倏西傾愴惋肝肺摧

其十四

灼灼綴枝華榮豔一何好朝陽溢其葩餘光照寒槁
冠蓋沓衢路致身競先早磬折名譽場銷鑠成醜老
一夕不復晨隕落隨秋草逍遙可竟世繁華詎足保

其十五

陽回杳無朕朔風振江郊翩翩者何禽銜枯創新巢
長短有成理環也特其遭窮者非盡愚顯豈皆賢豪
義陽奄西馳今夕明復朝如何途路子得意恒自驕

其十六

無榮亦無辱倚伏還相隨韓侯歎良弓寧復歆昔時
華春敷明陽各艷容與姿孤松秀嚴冬歷世誰可期
照耀東門瓜前貴今豈知較計毀譽間無乃賢達卑

其十七

昔有玩世士乃處匡山阿其人久已冥春林發煙蘿
故址栗里旁見者不忍過荷鋤豈不苦刈薪行且歌
詆毀日來加醉酒良靡他沉冥在一時千載固難磨

小兒爲督郵磬折將如何

其十八

昔余遊滄南曾上升天臺茲也誠玄冥萬里悲風來
松柏摧路傍玉梁安在哉舉手招王喬三洲限蓬萊
黃鶴舞高岑清雲曳徘徊歎息長久術愴惻令人哀

其十九

玉梁不可遊回登懷玉顛應龍歎白霧接我升雲煙
憑軒望四海溷悶良可憐可憐者誰子白馬來翩翩
明哲困精穢庸子驚輕軒嫵婉逞一顧力違成過愆
傾城亦何益傷哉誠嗟歎

其二十

黃金巨東西六龍駕天車一馳濛汜間百計無奈何
彎弓倚扶桑抗手招陽戈浮雲徂我前逝鳥鳴相過
鳳凰愁丹山溟海日夜波行行欲安之念此紛滂沱

其二十一

今日苦炎熱風零可徜徉亭亭一孤松乃在匡山陽
李公宅深冥朱氏揚其芳仰身攀林巖俯之淚數行
勢路紛狹斜隨利來相戕命駕且復去誓與朱鳳翔

其二十二

貴賤各有命昧者苦保持殷勤話言接轉面不可知

一言相千秋冠蓋赫來馳鷄雀鳴梧桐喻習鸞鳳飢
雞鳴市朝動董生方下帷

其二十三

惛惛懷坦途由之乃江河波起旁所駭舟中如室家
中林設暗罟鴻鵠逝九阿讒巧誠相戕飛鳥日暮過
修短自然理作色將誰何

其二十四

匡山有老人自稱巖下公綠髮渥朱顏皎若雲間鴻
往來騎白鹿姿美精內充招我將從之心阻難遽通
流情復高翔翩翩駕天風夙昔思此人寤言期與同
感此重狂顧德音常在衷

其二十五

騶虞不食草志士寧苟安矩步揮芬芳凜義不可干
吐辭程大猷妻子常飢寒中心思美人遙夜起長歎
延頸望西岐欲鳴途路難躑躅待天晨宵夜徂漫漫
明月鑒房帷涕淚交沆瀾

其二十六

臨事戒憤切憤切增煩心君子被短褐小人富黃金
璇機造變化何浮不有沉不見遊波蛤前是簷中禽
池鷗奮羽翼倏忽四海陰沐浴濛汜間飄飄終鄧林

其二十七

少年撫長劍放浪三河濱
纍纍道旁者云是金鄧墳
歛翁隨龍飛策符登茂勲
南陽多貴人烜赫闐朱輪
委身今黃土千載不復晨
首陽有采薇餓死誰爲聞
遺義凜秋霜見者常酸辛

其二十八

自聞鷓鴣鳴於心懷憂傷
陰氣馴以厲庭草隕繁霜
臯蘭萎不榮瑟風遊素商
浮雲晝易冥白日時漏光
登山期所思反見高鳥翔
蹠躐豈規步訛言倘譸張
揮袂層霄間撫劍增慨慷

其二十九

昔余挾詩書京里揚鳴珂
敷藻藝林間結交聚邊何
豈云傾人城絕代耀姿華
分散修老醜孤遊江湘阿
出攀芳桂林倚岑揮浩歌
荆榛蔽丘原浮雲一何多
靈劍有合并詠言傷蹉跎

其三十

莫笑一杯水覆地東西流
人命若飄光超忽誰能留
藜藿足充飢巖巒可遨遊
衣文附靈犧莊子誠見羞
黃雀乾下庖白刃臨九州
一爲華屋吟俄頃歸山丘
脫身幸及今世事如蜉蝣

其三十一

毀譽不可校校之心煩悲榮名蓋一世千載誰見之
塞翁失其馬馬歸駒來隨生死尚無常萬事誠塵灰
舒嘯飲醇酒聊與玄化嬉

其三十二

窶人困貧賤切切常自悲達者競先步所苦名位卑
旦榮昏暮零二者誰復知二者不可知懊惱將何爲
不見曠世子埋沒隨蒿藜

雜詩

宛宛春田鳩飛鳴柔且閑一朝化爲鷹蕭蕭厲羽翰

衆禽不敢並孤立秋雲端鳥既不自知人胡究其然

其二

縣縣谷中葛引蔓在脩楚脩楚伐爲薪葛也安所附
豈無絺與綌可以禦清暑烈烈嚴冬時憂君之纒絮

其三

沉沉河上舟搖搖靡攸止我欲維此舟川廣不可洑
振振鳧與鴈棲食在波水豈不良幽冥夙心耽樂此

雜詠

詠古鏡

熒熒堂中鏡皎皎懸秋月寵移明與奪勢滿光仍缺

美人昔提攜拂拭生皎潔用以奉君子義投物不忽
良無刮削費豈謂遽乖絕悲故情自懣爭妍道所劣
掩抑經冬春無蝕怨芳節黃鳥及候吟朱蘭有時歇
推移準運理顯晦遵前哲顯晦亦何憐所歎在乖別

雞鳴篇

宛宛天運周雞鳴夜復旦疾者寡長寐思者多寤歎
瘋憂積中腸緒理一何亂衆人沓經營君子樂衍衍
高山變爲陵深谷化爲岸願從詹氏上乘槎問河漢

潛龍篇

驕陰不可制堅冰憂我衷陽馭倏來返玄律播陰風
譬彼晝與夜循環固難窮古人閒行旅九市禁相通
陽升懼不力靜以收其功養木當以萌養德當以蒙
眇哉一絲微奈此羣陰攻脉脉淵泉底疇能拔潛龍

孔翠篇

孔翠耀其羽迺爲俗所珍神龍處九困潛躍固有因
小人役瑣屑君子揚其芬遐哉頽閔烈千秋灑靈雰
出事金玉昆入奉堂上親恩義苟不虧豈必饌芳薰
爰騁六藝圃載泳詩書津何當繼喬木振珮躡高雲

有鳥二首

有鳥東方來長鳴向西北竦身欲縛鳥自顧無羽翼

白日蔽高陸玄陰視無極風颺晝烈烈積霰墮我側
星紀雖云周沴氣尚難測逝者一何速來者懼不力
杖杜生道左孤桐棄遐域雖懷壯士情詎補陽和德

其二

一為羈旅士遂使年歲積人情感新故慘慘不得釋
夜視天上星翳翳雲霞隔陽道即光明何由布德澤
離居多隱憂悵念在今夕借問悵念誰是我同袍客
豈謂涼暄殊所歎阻疆場緘書寄游雲會託南征翮

空同子集

卷之十四

終

空同子集

卷之十五

北郡李夢陽撰

東莞鄧雲霄歛潘之恒蒐校

詩類三之七 五言古

禘祭頌述

清廟篇

丙寅元日朝退有作

右次大禮三首

從軍四首

屯田二首

塞上雜詩二首

右次邊塞八首

功德寺

翠華巖

望湖寺

呂公洞

香山寺

平坡寺

天寧寺觀塔碑

鏡光閣

右次游覽八首

媧皇墓詩送喬太常

三忠祠

艮嶽十六韻

右次懷古三首

天馬

古意

遣興二首

右次感述四首

歲暮

苦熱

十五夜

十六夜

十七夜

小至

右次時序六首

贈徐子

七夕遇秦子詠贈

贈王御史十四韻

酬伊陽殷明府追憶元寄十四韻

與殷明府期嵩少諸山不果十四韻

酬秦子以曩與杭子并舟別詩見示余覽詞悲

離愴然嬰心匪惟人事乖迂信手二十二韻

無論工拙并寄杭子

暮春逢林子邂逅殊邦復有東西之感念舊寫

懷輒盡本韻

安南歌送許給事中天錫

右次贈酬八首

五言古七

擬杜體

凡四十首

大禮

禘祭頌述

弘治十八年歲除日作是時

武宗初卽位

嗚呼大聖人肇迹或漁樵蒼龍戢其角志固無丹青

德祖始側微濬葉開

皇朝禮益視后稷面南統羣

昭大哉九廟義親盡敢不祧再遷及

皇熙世室闕

以寥裕辰復來集鳳皇鳴簫韶惟

皇率百辟孔祀

自今朝白日照寶旂御氣如絳綃將將磬筦鳴颯颯

靈旗飄恍惚帝醉飽諸王亦飄颻下有開國勲偃蹇

羅金貂愚臣叨對越精魄爲之搖鼓鐘送羣公玉戶

風蕭蕭唐侯昔踐位十八號神堯

皇實秉敦默龍

性無道遙道合天人際志與神明超降祉倘冥漠四

海無征徭

清廟篇

空同集 三
巖廊肅文欽芳區恣幽騁寬糾豈異性拘曠本殊境
嶽岑路寢東森疎嘉樹靜珍叢媚朱夏秀幹揚修景
曳裾羣彥集拄笏萬慮屏仰望南城苑飛除帶崇嶺
巋危白玉閣要眇黃金井季主飾觀眺哲王擯遊幸
自非淵聖姿誰保天步永

丙寅元日朝退有作

赫赫大明朝皇皇啓八葉諒闇在冲齡憂勤纘洪業
真人改革殊屢覩禎祥協春王肇元載萬國咸臣妾
端冕御茲辰縹緲仙雲接神飈翊紫蓋翔龍舞浩劫
哲后畏天威惕若春冰涉古編昭日星有躡尚可躡
大哉五始義允矣三陽浹

邊塞

從軍

漢虜互勝負邊塞無休兵壯丁戰盡死次選中男行
白日隱磧戍胡沙慘不驚交加白骨堆年年青草生
開疆愁未已召募何多名蕭蕭千里煙狼虎莽縱橫
哀哉良家子行者常吞聲

其二

從軍日已遠備茲途路艱驅車太行道北度鴈門關
天寒雨雪凍指墮曾冰間登高望虜境白沙浩漫漫

單于數百騎颺颺獵西山
殺我烏玉弓赫然熱肺肝
安得奮長劍一繫名王還

其三

別家亦云久昨得家中書
書中何所云父母與妻孥
昔來柳依依素雪今載塗
豈不念還歸天子西擊胡
登山眺故鄉存沒兩嗚呼
丈夫死國讐安能戀里閭
生當取封侯怨別祗區區

其四

行伍昆漸知苦樂情能蟠
丈人鎗徒御不我輕
昨夜下燒荒有我名秣馬
待天曙蕭蕭寒霜零
左鞞插雕羽雄劍躍且鳴
日高渡黃河東過受降城
所羨在滅胡富貴何足榮

屯田

葉落歸故根孤雲有時還
凶年間里盡誰門今幸全
全者自何歸皮膚半不完
百租叢其身欲訴誰見憐
吾家十八軍獨我猶從戰
昨當戰交河左髀貫雙箭
本不識犂鋤况復千畝租
三訴吏不語鎖頸投囹圄

其二

日落蒼天昏奔馳吏下屯
揚言科打使論丁不論門
老軍出聽卯老婦吞聲言
邊城寡機杼耕種育兒孫

誅求餘粒盡竭力豢孤豚昨當統管來宰剝充盤殮
言既復長號吏去叔他村

塞上雜詩

邊烽日夜至飛符來會兵羊牛入高砦雞犬皆震驚
壯士按劍起鞍馬若流星鎗急萬人靡笑上受降城
生繫五單于歸來獻天庭

其二

胡兒追野馬迸蹄若驚鴻一馬帶雙箭墮我邊壕中
敢望不敢近躊躇各按弓抽身復北去天寒沙磧風

游覽

功德寺

宣宗昔行幸遊戲玉泉傍立宇表截鼻開池荷芰香
波樓遞感沓風松奏笙簧百靈具來朝落日錦帆張
萬乘雷運動千巖滅流光綺繡錯展轉翠旗沓低昂
法眷撞鐘鼓宮女拭御妝笙鏞沸兩序星斗宿巖廊
至尊奉太后國事付三楊六軍各宴眠百官守舊章
巡非瑤水遠跡豈玉臺荒嗚呼百年來回首一慨傷
鳳騰赤霄暮龍歸竟茫茫山風撼網戶紫殿生夜霜
退朝值沐休我行暫翱翔娟娟登岸林慘慘度石梁
廢道哀湍寫松柏間成行啓鑰肅覽歷過位增悲涼

空同集
積久灑掃缺乳鴿鳴膳堂舊時琉璃井倒樹如人長
神已佐上帝教猶託空王鈴磬颯鳴憂晨昏禮相將
盤遊非聖理操縱在先皇至今朝廷上不改舊紀綱

翠華巖

洞劓耶律詞其名翠華巖俯視聳觀閣仰面攢松杉
厥維何王代鬼斧開蘄碧精氣久削薄烟嵐鬱相攬
屢憇驗足蕪獨徃悲情凡入蘿畏石墜轉嶠驚日銜
飄飄萬里風吹我秋衣衫放迹慕康樂入道懷賀監
載思武陵避愈悵桃花岳去住亦由人極目江上帆

望湖亭

來登望湖亭始盡覽歷妙布席倚岳嵌波望領佳要
山花落天鏡鉤簾巨魚躍岩潭適隱見圓浪浴奔峭
岬律百萬閣日落展光耀羈縛阻延放臨淵羨孤釣
霜寒葭莢白沙晚鴟鷂叫吾非阮生倫於此亦長嘯

呂公洞

厓根豁一門怪石相撐拄啗衍自吞呷白晝亦風雨
陰處汎清泉積苔陰鍾乳往聞茅山勝夙慕華陽主
路遐限孤往倏歷十寒暑經亘騁心目小憩偕道侶
茲洞雖人境固足託茅宇惕然忽內咎我何戀簪組

香山寺

萬山突而止兩崖南北抱鑿翠置殿榭級石上穹昊
高卑各稱妙曲盡結構巧有泉如線縷盤轉出松杪
嗜竒忘登頓緣危肆探討險絕逼牛斗蕭颯若風島
夜宿來青軒天色碧可掃湖沙靜莽莽海月白皓皓
想當邦邑初此地只蒿草綺麗佗誰鑿岩壑爛相裊
但看全盛時民力爲茲槁

平坡寺

西山萬佛宇爛若舒錦繡平坡憑風迥突出衆山右
宮閣因岩坳面勢巧相就百里見琉璃巖嶮戴雲構
朋遊探絕迹杪秋歷羣岫得此目力展恍疑出氛囿
仰看北斗逼俯恐東海溜雄壓香山麗閣掩望湖秀
落木響岩牖寒嵐淅衣袖延緬古今并佇立悲慨湊
盛葉慮反始危基有傾什千載誰復臨逆想蓬蒿茂

天寧寺觀塔碑

舊瞻天寧塔今覽天寧寺茲塔多鬼怪光芒夜夜至
不知何時殿結構今顏棄剔薛讀其碑識是隋文季
蝌蚪半剝落蛟龍猶異鱗我來值時暮攬逝發潛喟
修陸控趙代長山衛燕冀蒼然野眺合一灑楊朱淚

鏡光閣

我生走紛境性意苦不適竭來鏡光遊不覺祇樹夕

鳥藏丹閣暮蕭槭柿葉赤杳如造岩壑聞其寡人迹
其王戴金冠天子之所客迓我蓆荀下坐我紅罽席
落日入虛牖窈窕雲光白團團石蓮燈照耀錦繡壁
忽聞鈴磬發轉悵俗務迫靜躁本殊科利義各有癖
伊余竟何爲奔併阻行役乞君摩尼珠一照幸不惜

懷古

媯皇墓詩送喬太常

正德元年 上以卽位遣官禮百神

伊聞女希氏奮迹鴻荒日神功義農並吹簧豁陰鬱
鰲極本寓言蛇身竟恍惚遺墓趙城側古廟松杉密

霍嶺峙巒岼汾川眇蕩瀟穆穆秉德臣肅肅素瞻謁
祈靈泝遐躅明禋備精物天雖積清氣運久恐漏闕
徒煉五色石寥廓詎能越送子顧周道俾我心於邑

三忠祠

憶昔漢諸葛龍起答三顧志決竟星隕嘔血爲軍務
鄂國與信國屹屹兩玉柱殺身不救國冤憤水東注
往事勒鐘鼎新廟傍官路慘慘冠劍並凜凜生魂聚
翠旗晚明滅徃徃鬼神駐懷歎各不申翻然向煙霧
我征久奔迫過此感傷屢時來展肅謁繫馬門前樹
香臺野歛上羅幔虫蟻蛀烈士爲吞聲清風激頑懦

良嶽十六韻

城北三土丘揭嶸對堤口黃蘆莽瑟瑟疾風鳴衰柳
云是宋家嶽豪盛今頽朽我聞帝王富東京實罕有
鑿池通嵌竇移山媚戶牖炭業樓觀合歛吸風雷走
岩陰翡翠吟海窟蛟鼉吼燕趙矜麗人搜剔克妃后
君臣互沉湎斯道詎能久嗚呼花石費銖鎰盡官取
北風卷黃屋此地竟誰守迢迢五國城二龍回其首
向使任忠良邦國得滅否余來值寒暮悲歌坐林藪
狐狸竄古壘破瓦沒藜莠孤城峙我前蒼蒼日將酉
感述

天馬

天馬從西來汗血何歷歷天子顧之笑置在黃金櫪
嗚呼神駿骨草豆日蕭瑟瘦骼突碑兀銜轡掛在壁
白日涕至地青雲志拋擲朝望碣石津夕盼流沙磧
猶能肆橫行倘君賜鞭策

古意

有鳥何方來哀鳴向西北我欲縛此鳥天路險且棘
悠悠浮雲行照我暮顏色丈夫重幾微男兒死邦國
長鯨一奔逃萬網不可得平生反掌志對此空歎息
亭亭特生杜道傍皖其實孤桐雖良材棄擲處遐域

而余竟焉往嗚呼淚沾臆

遣興

金陵固麗地幽薊亦名城皇天作南邦北斗開瑤京
萬國梯航入宮殿造泰清大哉帝王居海岳自環縈
禹功肇胼胝湯也勤四征煌煌肯構訓聖人垂其情

其二

四海爲我土九夷盡來王貢琛至北戶北至玄谷陽
我祖秉天鉞血戰開其疆當時受命佐一一皆忠良
噴薄倚日月萬古瞻騰翔乘運雖有時盛業當自強

時序

歲暮

軒坐意悄悄感此歲年暮一氣有肅殺昊天縱霜露
衰容搖萬物日月立復度赤驥初長成自謂中君御
揚鞭過都市萬馬不敢步天寒草蕭瑟側塞在中路
良辰不再至我髮忽已素不見古賢達盡被名所誤
沉吟惜蟋蟀延佇羨鷗鷺終然託遠適餘者豈足顧

苦熱

伏陰固當奮亢陽乃逾緬嘈嘈蟪蛄鳴樹杪風不展
上天収雷雨萬物沮沾洗推案忽大叫蓐馭何時返
赤日厚地裂揮汗無晨晚古時有虞舜彈琴理驕蹇

軒轅制六律四序無乖舛何當挽二聖吾欲遂仰偃

十五夜

夜陳芳宴會座有離羣友中秋而無月何以慰尊酒
賓主慘不樂周席盡回首向黑明燈入雲景爛虛牖
尚覲光破滿時問陰薄厚吁哉至精物汝亦蒙此垢
上天悲隔遠人生怨分手月既有開塞吾寧息奔走
霜露棲蔓草疾風下高柳勸君聊盡觴居諸亦何有

十六夜

四海蒸爲雲三夜皆天風他方縱有月不照長安中
長安十二樓戶牖鑿璽瓏貴家金張徒高宴開帡幪
華燭代明月何必光遂通夕露久已晞懽娛良未終
迫塞諒有姝盛衰寧見同悠揚雲中魄旣滿還自窮
鬼神惡盈踰天道懷其公

十七夜

幽意竟不愜待月坐沙際久陰固當豁明月忽墮地
桂枝沒半輪蟾兔職業廢嫦娥飾粉妝愁絕雲樓闕
鸞憂不解舞竟夕掩孤袂崔嵬黃金闕何由訴天帝
景破力不敵光滿雲仍蔽徬徨步林樾爲爾一流涕

小至

日爲衆陽宗來往成謝代來之生萬物往以告成歲

空同集 卷十五
三十一
亭亭羲和駕建此南飛旆雙龍服偃蹇流雲翼其外
和風卷凍霧重陰颯無賴樞知化工幹冥與天意會
大君肅嘉禮君子幸亨邁誰能助新陽爲我激靈籟

贈酬

贈徐子

偃王世蕪沒石麟亦埋翳徐子發東吳英論有餘地
龍遊滄波阻日出浮雲蔽嗚呼獻玉士竟灑荆山涕
光掩明珠棄寵奪西施廢古來共如此不獨君遭際
余本澹蕩人傾蓋託末契酣歌繼旦暮醉酒無陰霽
各爲征蓬散五豈匏瓜繫舊時南陽宅回首成迢遞

蹈海有夙期與子自茲逝

七夕遇秦子詠贈

皎皎河漢月照我西南樓七夕遠賓集置酒城東陬
展席對雙星盈盈隔中流豔豔靚粧女欲濟無方舟
神爽卽易合茫昧竟難求明明君子德寡妣誰爲仇
豈無采唐約失身良見尤人生信齟齬世事良悠悠
不見古時人皓首猶公侯葵藿不餓死富貴安可謀
願繫場下駒盡我盤中羞我今爲秦聲子也當吳謳
酣歌達清曙臨分贈吳鉤

贈王御史十四韻

夕寒風自起集雪耀中宇朗月一何速早已爛芳醕
邂逅我蘭友設尊欸清語連翩忽竟夜悲歎爲故侶
瑤華雖莫折羽觴時復舉念昔青年日共矯凌風羽
啄食九天步宿必華池渚中路更險艱風波各失所
大明盪妖氛迴光陰衰腐諸賢旣連茹王豈羈沮
餘生實自慶追念良已苦撼促廣陵散山陽旅
事諧終合并感往徒心楚棄置且安寓懽娛弄尊俎
弱齡負竒節志欲凌海岳白馬金陵來遊戲宛與洛
出從七貴飲醉調五侯誰妍華不見售讒巧恩愛奪

酬伊陽殷明府追憶見寄十四韻

涼風卷團扇世路隨飛藿謫居宰山邑頗喜占名郭
川嶺鬱森秀烟雲日噴薄况當素秋霽清霜掃天末
龍門旣竦峻伊水復澄豁啓牖眺飛泉據案望岑嶠
獨撫巖中琴遙枉汴上作懷賢諒在茲感舊但如昨
徒然佇王鳧未果借緱鶴終期謝紛袂攜手向嵩岳

與殷明府期嵩少諸山不果十四韻

旅寓限崩迫騷屑隘煩務向來嵩少約屈指謂旦暮
豈惟攀時彥兼欲展秋步僕夫戒衣糧車馬亦充數
胡然泥行邁遂此歎乖選峩峩雲中峰阻爾獨何故
佇瞻風嶠突側耳石泉注夜來逍遙夢忽落嵩山樹

空同集 卷十五
古
纍垂松猿噉澹沲岩姿露存已超彷彿醒若涉顛遽
彼美眇何許茲端愴難屢采蕙忌及晚我疾畏晨露
烟蘿四時佳春服易爲具河陽羣葩發振策冀有遇
酬秦子以曩與杭子并舟別詩見示余覽詞

悲離愴然嬰心匪惟人事乖迕信手二十
二韻無論工拙并寄杭子

憶年二十餘走馬向燕甸縉紳不識憂朝野會清宴
嗜酒見天真憤事獨扼腕出追杭秦徒婉婉弄柔翰
探討常夜分得意忘昏旦雪雨亦扣門僕馬頗咨惋
歲甦香山閣齒萃蓬萊殿登頓窮目力延攬侔壯觀

孔翠不易馴人生本無絆蕭蕭田中蓬隨風各分散
杭生比適越秦子遊瀍澗南北兩文星光芒亘霄漢
余衰更乖謬挂一每漏萬夙遭青門斥差勝黃州竄
偃息於沙澤遨遊傍河岸秦也雖共區累月不一見
秦實困勞冗余亦怕梳盥何況阻疆域杭也江之畔
怍怍睽隔積鬱鬱歲年換無計脫煩促轉坐迫滋蔓
再讀並舟篇愈切山陽歎誦言各欽德悲離古所患
暮春逢林子邂逅殊邦念舊寫懷輒盡本韻
赤驥奮途路神龍厭池沼不登泰山頂豈見衆山小
明公昔際遇志與青雲香爛承夕扉詔番苦司隸擾

君平實憤切軒然爭臣表朝野凜生氣樹鮮安巢鳥
名孤衆毀集竄薄憂心悄一投海濱郡遂守荒江眇
遼遼嶺南國借爾揭文旒中天行日月曼曼孤鷓矯
君雖關內產迹自閩中肇業從考亭入統爲橫渠紹
伊余放曠人漁潛侶荷篠亡年以多歧望洋徒浩漕
睽離歷十暑邂逅值春杪日談恨易夕夜坐忽及曉
苑花雖寂寂風絮尚嫋嫋回首通州別屈指日不少
今看兩白髮誰忍置清醪君行秉大軸吾歌入幽渺
林岑有夙愉烟蘿閒裊裊誠無王良顧空山沒騷

安南歌送許給事中天錫

芳卉藉文轂垂楊縉鳴珂使君且勿發聽我安南歌
安南古夷隩嶺嶼蔚陂坳炎原吼象兕溟窟厖鼉鼉
爰自秦漢降憊怛尋干戈天皇操化樞環海無驚波
永執臣妾禮稽首心靡他珠犀走北陸翡翠供虞羅
王臣乘四驪駮駮金盤陀朝濟白藤江暮涉富良河
白日破蠻霧銅柱孤嵯峨雕題覩漢儀巴舞何傜傜
皇仁罄所宣紆征采民哦使君聆我詞慷慨不顧家
僕夫仗明鉞絳節拂林華樓船下煙淑鼓吹達海涯

雲間董其昌陳繼儒銓次

空同子集

卷之十五終

空同子集

卷之十六

北郡李夢陽撰 東莞鄧雲霄欵潘之恒蒐校

詩類三之八 五言古

沐浴子

怨歌行

少年行

長干行

宋中詩

河上公

邯鄲才人嫁為廝養卒婦

送友人入關

送李生京試

送友人之京三首

春日柬王相國

避暑

余園夏集贈鮑氏

贈鮑演二首

把酒

贈張生二首

別田進士

歲暮夜懷寄友二首

冬日夷門旅懷

行歌古澤中二首

結客行席上贈洪生

故人殷進士特使自壽張來兼致懷作僕離群

遠遯頗有遊陟之志酬美訂約遂有此寄

紀夢

大霧翟左二子來訪

翟生苦節尚志人也邇從余河之上余嘉敬焉

作詩以贈

晉州留別州守及東鹿令用李白崔秋浦韻

客過屬驟雨過

程生遊華山歸也誇我以絕觀動我以靈篇爰

贈此章抒我夙懷

懷湘曲

獵雪曲二首

泂溪吟

送藩幕張君入朝

贈程生之南海

近竹吟

水司陶君種桃柳成各有詩予和二首

贈謝子二首

相逢行贈袁永之

右次效李白體四十七首

五言古八

效李白體

沐浴子

玉盤兩鴛鴦拍拍弄蘭湯
振衣馨香發彈冠有輝光
豈念蓬首女含情怨朝陽

怨歌行

漢主十離宮涼至花盡歇
面面牕玲瓏煙紗印秋月
天公顧我笑手弄雙玉玦
但笑不肯留去若流雲沒
憂來抱團扇揚顰望丹闕

少年行

白馬白如雪銀鞍耀明月
騎出青雲樓揮鞭向金闕
自言事武皇出身爲椒房
結交樂通侯擅名鬪鷄塲
尚主復賜第軒蓋一何光
被酒過都市殺人如剪蒿
左殪南山虎右斬北溟鰲
昨朝兵符至單于寇臨洮
奮身出玉門殺馬鬣寶刀橫
行萬餘里叱咤威風起
奪馬貳師城長揖見天子
調笑大將軍醉罵柱下史
生憎漢相如白首文園裏

長干行

皚如玉山雪皎如瑤臺
月郎來騎白馬調妾桃樹下
桃葉何柳柳不謂君行久
倚門問來船見郎寄書否

宋中詩
六鷁退而飛乃向宋都過四海一震蕩青天白石墮
世人見此鳥仰面忽大笑誰知影不滅千載落光耀
余方卧空山聞此一長嘯

河上公

昔有河上公結廬蓬蒿下萬乘時一顧旌旗蔽原野
手揮玉如意顏貌何瀟灑曳裾授道經談天妙無窮
清光耀白日四海高其風言既忽不見竦身躡星虹
鳳凰棲梧桐鸚雀巢寒蓬饑鳶嚇腐鼠笑殺高飛鴻
物固有如此何必較愚蒙

邯鄲才人嫁爲廝養卒婦

妾本寒家女誤入崇臺宮粉黛三千人花顏笑春紅
君王重歌舞幼小不曾通一朝意相迕棄擲如秋蓬
昔爲高唐雲今爲馬牛風夜夢邯鄲道不識邯鄲中
金殿秋月滿歌吹行煙空白日耀千春何時燭微躬

送友人入關

南山鬱幽幽豐水白浩浩烏啼漢城樹塵起咸陽道
驄馬東方來長鳴翻玉蹄春風吹綠草明月滿關西
送李生京試

黃龍玉帝宅紫極繞逶迤爾行霜雪盡恰值春風時

天起桃花浪煙搖御柳綵要知走馬地非是冶遊兒
送友人之京

與君何處別汴州金梁橋下有古時水遙接廣陵潮
君搖錦帆去萬里上雲霄我掇金光草方期白鶴招

其二

鳳凰鳴珠樹紫鴈滄溟外賈鄧登雲臺寧說富春瀨
此情難具陳臨河挽衣帶積雪太行路明滅客行邁

其三

田方澹蕩人侯嬴亦監門老馬尚悲辛肯負信陵言
寶劍贈烈士明珠報王孫縱令滄洲去終戀紫宮恩

春日柬王相國

白露墮瑤草佳人秋思悲葉落今幾時忽復春風吹
榮華習殘雪故柯發新蕤爲問酒狂客金尊開對誰

避暑

避暑空林酌行歌采綠薇南來一行鷺倒映金尊飛
淹留桂樹夕瀟灑芰荷衣明月宛相待休賦醉言歸

余園夏集贈鮑氏

曉挈金玉友出挹池風清脫巾薜蘿下悠然聽流鶯
白雲行杯中紅蕖媚初英得意時自笑冥哉塵外情

贈鮑演

空同集 卷六 五
我愛汝長子遠志日超忽浮雲似其心秋水清到骨
縱酒見天真探桂遲月窟携手眺大野滄波杳出沒

其二

蒲亭杳何許雲海日浩蕩團團桂枝月秋照沙溪上
幾負春草曲空餘采菱唱盈盈吳門水何時理歸榜

把酒

把酒望天地邈然無可親龍蛇洞庭浦雪霰洛陽春
霧林坐鳴琴煙逕無歸人相思東山月夜夜懸西秦

贈張生

怪爾辭江漢長歌入宋梁北風吹凍野歲晏天雨霜
老馬棄不育悶殺田子方拍手笑侯嬴捐世計不彰
顧瞻臺闕地寒莽但蒼蒼

其二

攬衣斷崖口悲風振古臺叫鴈驚逆雲萬里天爲開
雪榛覆寒莎松殿扃餘苔昔人邈安在日落寒色來
棄置勿復道且酌黃金杯

別田進士

子望河上雲我望城中月不共眼前酒况乃天外別
白沙亂海曙黃雲下燕雪後期轉超忽吾將泛溟渤
歲暮夜懷寄友

梁客梁甫吟北風號沙林連山激湍波海氣結愁陰
雖持一杯酒而有萬古心越鳥不巢燕代馬不戀越
天明太行雪霜凍洛門月颼颼湘流深冥冥蒼梧隔
逝矣徒離憂芳蘭爲誰結

其二

歲窮長年悲越吟遊子思寒風起枯楊夕坐知天霜
落星動海白飛沙吹雪黃蕭蕭孤蓬轉萬里何超緬
沈吟卷道帙惻愴淚如霰八河討沈淪蹈海事游衍
傳書寄麻姑與爾期相見

冬日夷門旅懷

十日五日霧一冬半冬陰行子念歸旋朔風莽悲吟
蒼蒼孟諸原慘慘杼秋林東望清淺流頗劇溟海心
川陸曠超緬浩然煙水深百齡一何邁萬化相推尋
徒傳羽化迹不見鸞吹音清霜颯滿鏡紅顏倏頹侵
邈彼五湖子賢哉吾所欽

行歌古澤中

古澤古雲遊帶索被羊裘川寒凍日白海暝孤雲愁
鴟鴞叫秃木鴻雁遵方洲腸斷悲哉客黃河不斷流
其二

川原望不極愁思滿歸襟雲蔽長安目水流湘浦心

空同集
頽陽滅遠樹積雪明寒岑醉起海月照行歌入霧林

結客行席上贈洪生

翩翩紫騮馬燦燦雲花袍結客梁州市傾心贈寶刀
意氣凌朱亥英聲蓋伯高見說煙塵起橫行是爾曹

故人殷進士特使自壽張來兼致懷作僕離

羣遠遁頗有遊陟之志酬美訂約遂有此

寄

我生寡諧俗志與山林期謬擬渭川載豈羨荆山悲
弱齡不解事走馬長安郊紫綬雖掛身丹丘阻逍遙
心隨萬里雲舒卷何蕭蕭翩翩朱鳳凰飛集梧桐樹

冠蓋交路衢青雲有捷步彈冠無鈍斨結交盡雄才
殷君起東魯我使關西來揖鞭塵埃中朗如玉山開
時從二三友覽古黃金臺四序更代易人生豈常遇
相如歸蜀都賈誼長沙去去去遊梁園耕釣孟諸藪
日月東西沒黃河落天走雲沙白皓皓萬里見海口
雄劍掛土壁褐衣被兩肘朝從河上公暮逐墟中叟
有時弄清漪明月在我手壽張三百里北望一何邇
未移山陰棹先枉石川鯉剖鯉得素書故人今何如
錦字偕華星照耀蓬蒿廬空谷激寒雷冬庭轉蘭芳
曉起誦瑤音夜夢君之旁書中何所有相期陟東岳

空同集
八
巉巖丈人峰彷彿几前落
倏如佩蒼龍倒景騎玄鶴
願從東道主握手翔寥廓

紀夢

夜夢走西陸半天落金城
天門兩壁開見之駭心情
大江橫其西落日懸金盆
日流江波湧霞彩照乾坤
我問此何方云是湧金門
揮手上雲樓邂逅錢世恩
把袂凌天梯笑倒黃金樽
袖出石室訣飲我金莖露
人區杳難託東指蓬萊路
夢醒不見君空江暝煙霧

大霧翟左二子來訪

蒸煙暝萬古垂雲結樓臺
白日墮空冥天地安在哉

川嶽冰穹崇寒林倏花開
對酒不能飲擁褐心悲哀
翟生雀羅喬左氏麟經才
攀稽涉古陂訪戴臨河隈
兩騎踏蒼茫宛如空中來
日夕巖廳興稍見歸鴉度
雖開燕臺雲不辨焦橋路
呼兒斲凍蕨然高寫秋露
談玄析綿邈覽古悲沿沂
停杯劃一笑茫然獨四顧
翟生苦節尚志人也邇從
余河之上余嘉敬

焉作詩以贈

原子懸鶉衣仲蔚蓬高丘
蒼煙卧木石浮雲傲王侯
常懷一飯恩不顧千金酬
絃歌空桑裏登嘯大岡頭
眷念墟中約慙歎河上遊
我亦釣鰲者佳期杳滄洲

晉州留別州守及東鹿令用李白崔秋浦韻

荒原送行客白楊起西風雙鳧下雲漢五馬繫秋桐
連城滹水上馳譽燕代中登高望雲海離思浩無窮

客過屬驟雨過

鳴雷不終夕急電偶來同城波靜綺席苑樹生長風
雨殘白日外虹垂青霧中爲愛揚州客留連尊酒空
程生遊華山歸也誇我以絕觀動我以靈篇

爰贈此章抒我夙悵

君行值杪秋飄飄登雲巔笑弄石蓮花俯漱玉女泉
秦時采松女有無嬉紫烟雙騎兩茅龍曾逢呼子先

夜樓何峯室遇師叩何詮一虎嘯海月萬壑驚風旋
颯然毛骨換錯落神光圓晨興扳長蘿朗詠青霞篇
黃河衣帶去蓬萊瞪目前赤日跳扶桑仙掌發紅鮮
伊予歎茲游挂心三十年夢想落鴈頂携詩問青天
林麓限層雲奮飛悵無緣安能振衣去共爾追群仙

懷湘曲

湘筠寒翠滿白日起秋雲美人杳何處江氣長飆飆
手持紫玉管遙望青霞君藹藹波水暮何中致慙慙

獵雪曲

日光搖白雪黃雲片片裂狐裘誰家郎駿馬如電掣

馳騁復徊徘徊掉臂角弓開一發中雙狸笑上梁王臺

其二

荒荒凍日白出門雪一尺爰爰道左兔意態一何適
我弦纔一鳴不見彼行迹寄言遊獵人姑待春草碧

澗溪吟

濟川何必舟編竹便可涉秋風蘆白花洄沿水一葉
淺之不用維渡深豈須楫黑潭有龍氣雲起腥風接

送藩幕張君入朝

騮馬向風嘶銀鞍翻玉蹄結裝紫薇下別我綠楊西
記室髮點漆叅軍髯過臍為唐莫恨老神物不終泥

贈程生之南海

生為海南客幾度登羅浮天清衆島出萬水朝宗流
乘桴聖者歎望洋遊子愁明珠與翡翠歲歲到神州

近竹吟

蕭蕭數竿竹每與寒歲期翠色酒中滿清風琴上吹
踈值月來處密當雲起時萬動紛華裡一杯聊自持
水司陶君種桃柳成各有詩予和二首

沿堤萬萬樹一插即成林五柳陶公意甘棠邵伯心
許我聽鶯去携壺就綠陰

其二

如何梁苑地忽見武陵津
沉沉青霞水盈盈紅錦春
菓熟貧民食無兒許婦人

贈謝子

涼風吹海月當酒墮我懷愛此皎潔光願與君子偕
攬之不入手仰面看昭回銀潢南北流竟夕但徘徊

其二

大河起長風挂席破黃濤問予今何之嶺海聊遊遨
羅浮綠髮人思之我心忉幸君叩丹訣順風託鴻毛
相逢行贈袁永之

清晨客叩門投我一書札開緘錦雲爛鏗然玉相戛

問客何方來新下黃金臺揚鞭指河洛迴旆陵高崖
選珎掇琪草探美收瓊瑰路逢赤松子並舉收氛埃
道同心乃冥神投誼難乖古人重良契豈必聲影偕
行行報嘉績貢此明堂材

吳欽叔賜黃習遠校定

空同子集

卷之十六終

空同子集

卷之十七

北郡李夢陽撰 東莞鄧雲霄歛潘之恒蒐校

詩類三之九 五言古

田居左生借二李見過二首

城南別業夏集二首

右次效陶體四首

慶都篇

帝乙

黃衢二首

十二月朔

夏歌

湘妃怨

春曲

結客少年場行

俠客行

從軍行

出塞曲

銅雀妓

漳津夕眺

呂仙祠

三日河上宴集

詠樂溪

右次效唐初體一十七首

乙丑除夕追往寫憤五百字

右次倣長慶體一首

贈劉主事麟二首 湘江吟

春曲五首

朔日

槿樹

槿園

春情

遊寺

昇天行

春遊篇

四時篇

正德四年七夕上方寺作

戊寅早春上方寺 辛巳春夕集上方寺

山中

置薪

九潭詩

右次雜體二十二首

五言古九

效雜體 凡四十二首

效陶體

田居左生借二李見過

習宦非我長官久計轉拙遭斥還田廬獲與初念協
樹藝良有期農事固堪悅飄飄緣原風晶晶明川月
披襟恣吾適既夏不知熱回思行役日寒暑靡得輟
踈懶古雖鄙任性亦可說膏疇矧豐蔚積潦復淒冽
白日皎在茲停雲靜如結爲謝二三子努力慰衰劣

其二

去官今七暑漸與農務親隨宜諳土性言話群野人
時或遡微風行歌響空榛先民邈何攀慨焉傷我辰
慨傷適誰知所有二三賓文論日往來炯炯高義伸

炎雨回衆姿涼飈起修畛兀然林木下日入忘歸輪
玄蟬夕益聒去鳥一何頻野行畏多露無使侵衣巾

城南別業夏集

田居不自娛况兼林水情聿茲暑衣晨而與佳士并
挈榼遡芊緜臨隄弄澄清娟娟浴沙鷺交交鳴枝鶯
雖非巖潭區間曠足我營菰蒲裊寒陰隕果時自驚
有室矧伊邇遐哉謝塵縈

其二

荷鋤侈高詠濯纓肆佳吟疇知稼穡場乃爾蒹葭侵
步風逾曾堤徙筵趨重陰於情既有託矚寓良自深

空同集
透迤波上雲征征草間禽隋臺信已古魏城方肇今
驗物果足遣孟乾聊復斟

效唐初體

慶都篇

於昭開帝則蕩蕩協欽文高辛初纘服大舜復升聞
瞻依太古日悵望春空雲緩策遵墟里翱翔詠放勳
帝乙

此以下三首皆爲武宗大婚而作

帝乙歸元歲滙汭降高秋白霧凌蒼壁文烟結綵樓
楓陌三公引雲衢六馬遊行當瞻月馭佇想詠河洲

黃衢

黃衢會日月紫氣懸陰陽冉冉神龍下英英朱鳳翔
蘭烟凝玉閣桂月滿金堂禮先歆九廟德已合無疆

其二

桂宮新降馭蠶室爛生氣曳綈成漢業采葛相周文
會奉重輪日先瞻五色雲秋明天路夕瑞雨碧氤氳

十二月朔

積陰凌紫極玄霧暗三辰黃龍游帝時萬乘若浮雲
六虯何蚴蟉雜沓走天神明王熙庶載至敬達郊禋
玉輦親牛豕重瞳注鹿群精誠先百物咸德屆犧人

揚鑾回御道九宇冀陽春

夏歌

積潦溢廣澤炎雲翳崇臺玉階履綦絕紫殿生莓苔
螢流踈竹靜風動綵幃開佳期悵千里竟夕以徘徊

湘妃怨

采蘭湘北沚塞木澧南潯淥水含瑤彩微風託玉音
雲起蒼梧夕日落洞庭陰不知篔簹竹苦惟見淚斑深

春曲

萋萋百尺臺南臨大道開月明珠箔捲塵暗寶車來
英雄五都俠意氣萬人摧帶醉穿林徑垂鞭拂閣梅

日夕松柏路蕭蕭響風樹連沙改故浦空山沒蒼戍
徘徊望霸氣鄴城在何處

呂仙詞

孤遊逢呂跡永逝感盧生眷彼炊梁術契我遺世情
蒼山故國道落日邯鄲城陰陰祠宇夕宛宛曲池清
不見金芝侶誰聞朱鳳聲田鼉穴桂壁野葛蔓松楹
寧知往來者不是寐中行

三日河上宴集

觸霽邁芳垆修祓臨長泊雖非曲觴飲聊異秉簡戲
波延拾翠舸岸匝尋青騎羽爵戀馳景鸞簫劇春思

空同集
群謠狎鳧鴈撫適懼同志亦以擴凡超流連豈吾事

詠樂溪

濯足荒溪口延望大江濤石樹環碧綠泉潭生翠陰
經亘涉清漣沿洄登素岑日暮樵響絕但聞山水音
鴻鴈遵渚飛麋鹿聚空林而子豈不樂其如兼善心

傲長慶體

乙丑除夕追往寫憤五百字

憶昔蕤賓初皇疾輟臨仗維日白氣亘黑風復排踣
俄傳天柱折忽若慈母喪帝本堯舜姿未履轉清伉
歛衽接耆碩高出文景上兩宮悅孝子九廟歆流望

毅然整六師霹靂無前向犬羊遁朔漠鯨鯢蟄溟漲
困冲不凝壽日表空殊相蜿蜿湖中龍一夕拔驚浪
回首哭蒼梧魂斷湘南瘴念昨下明綸臣也誠無狀
誓死叫閭闔伸頸甘礎益梁竇勢如灼漢廷色惆悵
皇乃西園游召彼侍供張從容杯酒間似讓還非讓
未剖青鎖封已下金雞放臣某詎足惜統體關衰王
歷數古明辟聖節疇能尚逝欲碎臣骨顛帝不得廷
攀髯眇莫及痛哭橋山葬玉光動前星朱符闡靈貺
主器難久虛勉起答群望金木歟爲崇太白畫相抗
羯胡敢余侮吾徒盡乘障嗚呼榆臺役棄我六千壯

空同集
跟蹌戰士骨躡跋將軍報二豎固輕率腐屍亦云當
所恨國威辱北鄙氣悽愴鉦鼓疑皇情何以慰宸况
悽悽建未月臨門遣征將紈袴作元戎京軍本浮宥
翻使沿邊卒束于遭箠掠揭嶂雲中城誰復扼其吭
胡來風雨聲胡去橫拍唱千材與萬落人烟莽蕩蕩
嬰兒貫高槩志婦經衣桁狐狸叫破壘落日悄漭沆
此輩誠鼠竊反覆亦難量騏驎駕鹽車虛名縛骭髀
世豈乏頗牧賤或執鞭杖瑣瑣登壇子飽之則飛颺
吁此良太枉國慨何由暢水旱而秋雷陰陽迭驕亢
皇天雖至公視之但塊塊臣當歷服始謬進大夫行

退朝實憤切欲吐畏官謗武王秉黃鉞師事太公望
列聖構梁棟駕馭亦英匠先帝升遐日臨榻召三相

雜體

贈劉主事麟

駕舟越洪川飄風揚其波白日不可駐浮雲一何多
蹇芳涉北沚采蟲陟南阿悵我平生友傷此欲如何
其二

濛濛孤舟夕橫笛坐烟浦秋綠被汀沙落鴈不可數
烈調千行雲激商復流羽曲竟和者誰佳人淚如雨

湘江吟

對酒歌綠猗歲宴懷佳人山寒翠袖薄微霰沾衣巾
空持紫鸞簫欲致愁無因日暮湘江曲浩蕩烟波春

春曲

維南有曾城下瞰梁上臺雄構翳雲日歌鐘暮徘徊
芳草徧舊畿山川邈悠哉

其二

春城花烟滿杳靄生夕陰白馬繫芳樹繡袿彈鳴琴
樗蒲少年子一擲千黃金

其三

綺閣俯通闌後有百尺樓並坐紫羅茵雙引青玉甌
楊花起薄暮糝糝縈芳洲

其四

菁菁艷陽月鬱鬱美人思游絲罥白日烟若春風姿
零落垂手舞空傳白紵詞

其五

借問美人居云住城東隅背有桃李館前臨車馬衢
十三妙歌舞十五冠名姝

朔日

朔日悲風起空除落葉平猶聞砧杵急已復剪刀鳴
一夜傳霜箭黃雲滿塞城

槿樹

槿樹依空砌寒時尚着花未能堪暮色徒自絢朝霞
寄語閨中女無多鏡裏華

槿園

槿園秋氣夕唧唧寒蟄聚風回啼欲斷月落歸何處
爰悲在堂吟復詠山樞句感爾中夜興微霜下庭樹

春情

俗縈一何驟駕言春已分綠郊鮮行輪朱樹花將紛
鳴鴈起前墟浮陽藹東濱徙倚孤臺側佇迴送征雲

遊寺

褊心儔輩寡幽境每苔步縣鬱倚磴歇馮孤眺迴屢
洞塔陰古宇芬蘿裊澄樹佇觀野禽哺此外豈吾慮

昇天行

市居苦煩溽陸處懷清波緬思溪壑側丹崖卷曾阿
仙人桂樹下窈窕攀青蘿我獨塵歎內營營欲如何

春遊篇

古臺悲帝子歌吹餘春愁草綠夷梁野雲浮河海流
擊壺詠四澤鼓鐘眺三洲板條已無那駕言誰倦游

四清篇

盤松屹當戶修筠靜依檻羈遠桐絲澀蕭瑟鶴思減

歸傷園塢廢坐令荒穢斬彈曲憇踈陰臯唳清露湛
正德四年七夕上方寺作
逸人厭囂俗達士樂閒勝乃茲城中林而非車馬徑
積雨豁新霽雲石掩秋映微陽下孤墦潦水夾明鏡
已疑塵寰隔况覩蓮宇淨豈惟慕真覺亦以叩銓證
玄蟬共西夕浮雲本無定

戊寅早春上方寺

逾年固涉茲過之門巷疑匪畏霜露辰肯與春事期
徑蘭芊故叢苑松發新蕤陟丘念廢居升危眺回漪
抱以幽曠豁情緣悽愴移驚風遞虛塔振振空廓悲
得遣復安較勞生良爾嗤

辛巳春夕集上方寺

晨飈奮以厲夕林回晏溫郊遊悵伊阻駕言乃松門
春湖靜瑤宇塔蘿裊清樽遙睇被原草近蹇臨水蓀
花雨時自落法雲凝復奔淹留遲寶月破此人徑昏

山中

山中雨乍歇一夜瑤草長風吹翠巖竹下應石瀨響
時來展書坐悠悠絕塵想

置薪

讀書古木陰置薪倚其根露零石徑滑雲起溪日昏

白虎啓巍觀金馬開高門君自薄簪紱難稱國未恩

九潭詩

峒峒千仞嶺下有百尺潭夕風起微瀾洌洌動晴嵐
俯之鑒我心佇翫雲波涵流蕤颺寒清躍魚手可探
蹊暝樵響歇猿鳥來相叅寄語泥中物長蟠恐不堪

